

光緒江西通志

江西通志卷五十五

山川略一

山十一 九江府

廬山在府城南二十五里三面阻水其西通陸爲羣山所奔湊其支南行者盡乎鄱陽之汜南康郡之所負也西南行者盡乎吳城其東北盡乎南湖背其折而西則盡乎湓浦乃九江郡之所居也明王禕六老堂記云其陰土燥石枯岡阜並出以扼大江東來之勢是爲九江其陽千巖萬壑土木秀潤是爲南康桑喬疏云凡登廬頂大道有三自雲峯寺入者爲北道自含鄱口入者爲南道自淨慧寺入者爲東道

今廬山志以雲峯爲西道道自化城入者爲北道

皆可輿諸他道及小徑山僧樵子所往來者多不可縷

數皆鳥道巉絕而東道南道又荒僻少人迹好奇之士
閒一至焉獨北道以天池寺故搢紳大夫登覽者率多
由之釋定曷志云匡廬峯峯有徑徑徑達嶺亦不可不
告於游者也東南麓有相辭澗從官道分徑入石牛山
上麻姑崖達九疊屏而觀三疊水也南道棲賢谷上王
照嶺分徑入桃林澗登仰天坪至曬穀石達漢陽峯之
巔也青泉澗有徑造臥龍岡而探崔嘉彥朱晦翁之遺
迹也詹家巖有徑至五乳寺而登七賢峯也開先寺有
徑抵布水臺觀瀑布登文殊塔入黃巖而窺石室也簡
寂觀有徑看雙瀑上黃鸞砦至廬山寺也歸宗寺有徑
觀玉簾泉而達金輪峯禮耶舍塔也栗里有徑入康王
谷而觀谷簾泉陟紫霄探禹迹也圓通寺有徑登石耳

峯踰上下弔橋而進康王城七里岡有徑上白雲峯至
 上霄諸處也蓮社橋有徑入臥雲寺至龍潭庵而上聖
 治峯也蓮花洞有徑二其一進養鹿池而登松光嶺謁
 小天池之銅金仙也其一上筋竹嶺入吳賓陽之瓜圃
 也龍門峽中有徑上疊花庵至振衣峯看江州地脈之
 來處也濂溪墓旁爲官道走南則過吳章山走西至蛇
 岡嶺其分支小徑猶多有一至慧日寺者有一至天花
 井者宋朱子山北紀行詩十二章祇役廬山陽矯首廬
 同窺臨盡彼巖壑勝滿茲仁知心尋昨朝解印章結友
 圓通說透迤山門路峭嵒修篁列溪仍侯家名屋是房
 王設何救黍離歌嘯焉傷覆轍行逢石門雨解驂寒
 澗東朝綺綺谷俯仰春冥濛懸泉忽琮琤雜樹紛青
 紅屢憩小亭古幽探思無窮竦身長林端策足層崖
 表仰瞻空界闢俯歎塵寰小天池西嶽釜佛手東窈窕
 杖屨往復來憑軒瞰歸鳥斯須暮雲合白日無餘暉
 金波從地湧寶篋穿林飛僧言自雄誇俗駭無因依安

知本地靈發見隨天機深尋兩林開清波貫華屋
社有遺蹤草堂非舊築修廊餘故刻好醜雜琅玉亦復
記經行深慙後人讀幽夜厭百谷喧旦失千峯稠出門有
冠蓋集不盡心期幽山水誠乃奇云誰究終始壘道亦
遺恨回首空綢繆東西妄采獲誣詔共恢詭百世踵謬
何人神君豈其鬼以茲游覽富翻令懷抱傷誰哉可告
訛彝倫日頽圯乾坤有真心目月垂休光茫茫宇宙內
語舉俗昏且狂乾度石塘橋西訪濂溪宅喬木無遺株
此柄執主張北觀容昨踞薦寒流碧幸矣有斯人渾
虛堂惟四壁竦觀德容昨踞薦寒流碧幸矣有斯人渾
淪再開關平生勞仰止今日登此堂願以圖象意質
之巾几旁先生寂無言賤子涕泗滂神聽儻不遺惠我
思無疆明先生寂無言賤子涕泗滂神聽儻不遺惠我
千里別英僚樹嘉政素友厲孤節努力莫相忘清宵共
明月謹案廬山兩漢及晉皆隸柴桑隨隸潁城唐隸
潯陽吳時隸德化而以山南爲星子鎮宋太平興國
中析星子鎮爲縣後置南康軍廬山始分界東界吳章
山西界康王坂南隸南康北隸九江舊志互詳今仍之
天花井山在德化縣南二十五里居廬山之末其支散
爲諸岡阜所行甚遠東北行者爲烏稍嶺了髻山而了
髻之支又有九其大者爲鳳凰栗樹長嶺諸山長嶺之

支西踰磨刀澗自潯東門入而盡於湓浦又小支自栗
樹嶺益西爲城南石塘鋪諸岡阜而盡於孫家湖山勢
踴躍軒舞以趨潯陽九江府實處其末了髻山側有地
名天子堂穿鑿斷裂自烏稍了髻至潯陽東門外凡三
鑿之了髻所鑿處名缺子坳當兩山間溝而絕之深八
九尺廣五六尺俗所傳銅釘狗骨厭勝之說與程史所
記無異

大孤山在德化縣東南四十里屹立湖中形如鞞又名
鞞山高數十丈大禹嘗刻石紀功有乞食烏髻逐客舟
行舟人搏飯投之卽接食高下不失明嘉靖閒建塔其
上今人以大孤爲鞞山以立廟之山爲大孤者誤唐李
大孤山賦并序余剖符淮甸道出蠡澤屬江天漕霽千
里無波點大孤於中流昇也於匡阜不因左官豈遂

斯游謝康樂尤好山水嘗居此地竟關詞賦其故何哉
彼孤嶼亂流非可構匹因爲小賦以寄友朋川瀆熾
道人心所惡必有穹石禦其橫驚勢莫壯於湍頭氣莫
雄於砥柱惟大孤之角立掩二山而桀豎高標九派之
衝以捍百川之注耽若虎視如龍據靡搖巨浪神明
之所扶不倚羣山上元之所固必逌邐而何多信巖然
而有數念前世之獨立知君子之難遇如介石者袁楊
制橫流者李杜觀其側秀靈草旁挺奇樹窳樺匠之
斤豈有樵人之路想江妃之乍游疑水仙之或駐嗟瀛
洲與方丈蓋勞髀如煙霧據神體而競晚逐風濤而治
泝未若根連坤軸終古而長存迹寄夜川負
之而不去雖愚叟之復生焉能移其咫尺

延枝山在德化縣南二里爲欽天山環繞城郭

螺子山在德化縣南十五里由雙劍峯發脈蟠結宛轉

如螺子形

雞籠山在德化縣西南四十里山有石雞冠距如生

落柁山在德化縣西四十里圖經名甘泉山昔山上有

船柁從頂沿流而下其水亦名柁下谿俗謠駱駝山又

西二十里爲義門山與株嶺高良二山相接義門陳氏居其下

龍門山在德化縣西南五十里與落柁山相對如門湓水經此入於江相近有大小石門山白瑞昌縣愁山發脈二山對聳中間相去百餘步山下有石如屏四面对俗云大小城門

靖居山在德化縣西南六十里相傳昔有傳姓者於此射鹿墮胎而斃遂折弓矢修道因名山曰靖居

株嶺山在德化縣西南五十里山多怪石叢木相接者爲高良山距縣八十里高聳秀拔爲諸山最或云昔有高良氏居此

柴桑山在德化縣西南九十里漢以此山名縣山海經

柴桑之山其上多銀其下多碧多冷石赭卽指此今而陽馬首桃花尖諸山皆是也

博陽山在德安縣南十二里一作博陽山根盤三十餘里峯巒奇疊爲縣巨鎮漢書地理志豫章郡歷陵傅易山傅易川在南古文以爲博淺原師古曰博讀曰敷易古陽字宋朱子九江彭蠡辨以廬山爲敷淺原語類云德安縣敷陽山正在廬山之西南故謂之敷陽

義豐山在德安縣西一里昔義門陳氏有良田在此屢值豐稔因名或云邑人好義聚居如陳王梅鄭多至千口茲山之應也

孤山在德安縣北十里孤特秀麗

烏石山在德安縣北十里旁有石高十丈餘名獅子巖

東北自廬山來盡於東崖西北自東佳山來盡於西崖相對如門又名烏石門其中平曠曠野東西北三河皆潏匯於前一里許從石門流出又其間有大道道旁石竅流泉甚清甘此山相傳神禹治水所開今兩岸若有疏鑿痕

望夫山在德安縣西北二十里方輿記云昔人行役禾回其妻登山而望今石上雙迹顯然下有佘家泉歲旱取水禱雨又西北十里有寶山舊出錫鉛

葛洪山在德安縣北四十里世傳葛仙翁曾游此有晉石泉碑載仙翁除蛭事縣西北四十里有鼓鳴山宋祝仙昇天處亦有碑

使君山在德安縣西北四十里唐李渤爲江州刺史置

書院於此舊志譌爲史君又有石鼓山天陰輒聞鼓聲
又大塘山山隅有塘約數十畝足資灌溉又西北爲秦
山界德化瑞昌間上有金盆泉溉三縣田數百頃

東佳山在德安縣西北八十里其下有紫巖泉可灌田
五十頃又西北二十里爲櫻桃山

崑崙山在德安縣西北一百二十里山前有東西二湖
上有王喬禮斗臺元陽觀後有牡丹一本色如丹砂傳
爲王仙手植山麓有桃大泉由泉十餘折約三里許至
山巔可與相並者惟東佳櫻桃羊腸馬脊數山而已觀
後有磐石可坐百人東行里許有巨石名流涕石雖烈
日暴爍石不減潤

石沃山在瑞昌縣東北二十五里赤湖中其水沃潤故

名又湖中有青竹山上多產竹

榜山在瑞昌縣南五里形如挂榜縣南四十里有角里山相傳漢角里先生嘗游此

白龍山在瑞昌縣西十里白龍泉水繞流山麓

蘇山在瑞昌縣西北三十里相傳蘇耽冲舉於此

羊腸山在瑞昌縣西南百里對峙者爲馬脊山皆以形似而名

愁山在瑞昌縣西六十里嵯峨陡峻行者愁焉故名

書堂山在瑞昌縣西南七十里傳爲王喬讀書處山有石房石壁上有朱墨蹟相近爲清湓山繇互三十里高出羣山乃湓水發源處有淵如盆冬夏不竭產菱芡甚美

紅羅山在瑞昌縣西南十五里巔有仙女峯

亭子山在瑞昌縣西十里其徑幽折上多竹

國朝文德翼詩笥

輿盤野徑當晝雨纖纖墨竹移偏秀雲松望欲潛一亭臨石上數鳥啼山尖磨洗元豐字經過憶子瞻

鴉髻山在瑞昌縣北十里兩峯競秀望之如髻

赤顏山在瑞昌縣西南九十里

一作西北百二十里

舊傳赤松子

遊此

石鐘山在湖口縣有二縣治南爲上鐘山縣治北爲下

鐘山距縣治各一里兩巖相對壁立數百仞酈道元謂

下臨深潭微風鼓浪水石相搏聲如洪鐘上鐘山之景

凡十一曰上鐘巖鐘石小五老峯石石屏石几龍首石

昇石獅子石倒石石筍上鐘石洞下鐘山之景凡十五

曰下鐘巖鐘石槲石觀瀾石滿冠磯石友石雲窩碎石

灣樂德舍下鐘石洞魯般洞濟巖洞白雲洞懸巖洞竹

洞唐李渤辨石鐘山記水經云彭蠡之口有石鐘山

受其稱有幽棲者尋綸東湖沿瀾窮此遂躋崖穿洞訪

其遺蹤大於南隅忽遇雙石鼓枕潭際影淪波中詢諸

水濱乃曰石鐘也有銅鐵之異焉叩而聆之南聲函胡

北音清越抱止響騰餘韻徐歇若非潭滋其山涵其

英聯氣凝質發為至靈不然則安能產茲奇石乎乃知

山仍石名舊矣如善長之論則瀕流庶峯皆可以斯名

貫之聊刊前謬留遺將來貞元戊寅歲七月八日白虎

先生記宋蘇軾記水經云彭蠡之口有石鐘山焉說

元以爲下臨深潭微風鼓浪水石相搏聲如洪鐘是說

也余嘗疑之今以鐘磬置水中雖大風浪不能鳴也而

況石乎至唐李渤始訪其遺蹤得雙石於潭上扣而聆

之南聲函胡北音清越抱止響騰餘韻徐歇自以爲得

之矣然是說也余尤疑之石之鏗然有聲者所在皆是

也而此獨以鐘名何哉元豐七年六月丁丑余自齊安

舟行適臨汝而長子邁將赴饒之德興尉送之至湖口

因得觀所謂石鐘者寺僧使小童持斧於亂石間擇其

一二扣之硿硿焉余固笑而不信也至其夜月明獨與

邁乘小舟至絕壁下大石側立千仞如猛獸奇鬼森然

欲搏人而山上絕壁下大石側立千仞如猛獸奇鬼森然

若老人歎且笑於山谷中者或曰此鶴鶴也余方心動

欲還而大聲發於水上，噌吰如鐘鼓，不絕。舟人大恐，徐而察之，則山下皆石穴罅，不知其淺深，微波入焉，涵澹澎湃而爲此也。舟迴至兩山間，將入港口，有大石當中，流可坐百人，空中而多竅，與風水相吞吐，有竅坎鏜鏜，之聲，與向之噌吰者相應，如樂作焉。因笑謂邁曰：汝識之乎？噌吰者，周景王之無射也；竅坎鏜鏜者，魏獻子之歌鐘也。古之人，不余欺也！事不目見耳聞，而臆斷其有無，可乎？酈元之所見，聞殆與余同，而言之不詳；士大夫終不肯以小舟夜泊絕壁之下，故莫能知；而漁工水師雖知，而不能言，此世所以不傳也。而陋者乃以斧斤考擊而求之，自以爲得其實，余是以記之。蓋歎酈元之簡，而笑李渤之陋也。

明羅洪先記：酈氏水經載石鐘山，以爲風起微波，激石有聲，不詳其故。東坡夜釐，漁舟山下，聽其所以鳴者，本石多竅，遂爲辨，以補遺。丙午春，余過湖口，臨淵上下，兩山皆若鐘形，而上鐘尤奇。是時水未漲，山麓盡出，緣石以登，始若伏軾，昆陽旌旗，矛戟森然，成列稍深，則縱觀咸陽千門萬戶，羅幃繡幕，掩映低垂，入其中，猶佛氏言海若獻琛，珊瑚珠貝，金光碧彩，錯出於驚濤巨浪，莫可辨擇。睇而視之，垂者磬懸，側者筍茁，缺者藕折，環者玦連，自吾栖巖穴以來，攀危歷險，未有若是奇者矣。夫音固由竅以出，苟實其中，亦復暗然，故鐘之制，甬則震，龠則鬱，是石鐘者，中虛外竅爲之也。虛者大竅者小，故出之有餘，而應且遠；今夫囊盎器，虛者大，注之水，則甕盎不若，器虛之聲，此中外小大

之驗也東坡艤涯未日其麓故猶有遺論嗚呼石本無
 聲虛猶足以召之又况人之心乎是石常彭蠡入江處
 眾流迸駛湍迴洑射日判月消石雖堅不勝其力之久
 故其形亦備鑽研磨刮之工瑩白如玉其未入於水者
 色黯理疏頑悍而輪囷略不相肖然則風靡波蕩其亦
 有助於石而致虛者固有石鐘山焉蘇文忠公辨之詳
 喬新賦并序彭蠡之口有石鐘山焉蘇文忠公辨之詳
 矣士大夫喜幽尋而樂勝選者莫不游焉景泰六年春
 三月予與今夏官郎中王君尚忠奉使江南尚忠家湖
 口遂予艤舟絕壁之中以訪其所以謂石鐘者水石相
 激響若洪鐘始信昔賢之言不誣也因爲賦之役十有
 二年尚忠出示舊稿俾重書之因嘆予學之不進而悼
 勝游之難再乃刪其辭以歸之云乙亥之歲暮春以訪
 夕予與王子泛舟澄湖艤於絕壁援危藤登懸崖以訪
 昔賢之遺蹟於時天和氣清江空月明魚龍咸伏波濤
 不驚縱予目以遐覽舒懷不可殫名或如鳳如蛟如蛟
 蟻或如鬼如獸將行將聚巖壑灑灑拂藍撲黛穴罅呀
 飛或欲雲散雷異哉石乎蓋造物者之所胚胎也俄而微
 嶺欲雲散雷異哉石乎蓋造物者之所胚胎也俄而微
 雲生於廬阜長風來乎太空驅濤擁瀨吼鯨躍龍爰有
 洪聲發於水中殷殷喤喤如擊鼙庭而聽鏘鏘之撞鏘
 鏘鏘如入周廟而金奏於下予乃恍然而驚悄然而思
 又如卻至使楚而金奏於下予乃恍然而驚悄然而思
 問王子曰是何聲邪豈靈鼇奮首而三山頽邪抑海若

驚起而號風雷邪無乃其工氏簡不周而天柱摧邪胡
爲乎有是聲也王子笑曰子不知邪是所謂石鐘者也
昔者臚元言之而不詳李渤訪之而失實東坡居士泛
舟江上以求之而後眾論定於一也予曰石之爲物湛
乎其形未與水遇不聞其鳴水之爲物澔澔之爲物湛
石關曷嘗有聲彼函胡清越窾坎鐘鎛之音果出於水
邪亦出於石邪王子曰不然夫水之質剛柔動靜之性
靜相摩厥聲以應水之質柔石之質剛柔相搏而聲出
以彰是非水之聲也亦非石之聲也水石相搏而聲出
焉此石鐘之所以名也夫峭壁巖巖鐘之銳角也懸蘿
裊裊鐘之懸蟲也丹崖翠壑鐘之巖巖也驚濤駭浪鐘
之撞杵也是鐘也蓋天地爲鐘萬物爲鐘陰陽爲鐘炭
化爲工齊侯不得銘其績而鳧氏無所與其功也嗟夫
洪水橫流巨浸稽天象罔出而侮人螭蜃過而垂涎民
其魚矣尙何石鐘之聽焉今吾與子脫介鱗而弁冕去
沮如而宮室泛蘭舟以遨遊聽水樂以自適揆厥所元
伊誰之力邪於是相與徜徉眺望咨嗟感激已而雲消
風止浪平響息水天相映瑩然澄碧返而登舟呼酒相
酌乃鼓柁而歌曰駕吾舟兮泛長江馮夷起舞兮濁流
孰致平成兮孰理懷襄願銘此鐘兮紀成功千秋萬歲
今永不忘劉玉歌石鐘山何高哉雙巖競秀江之隈
初疑端人秉笏立朝署又疑靜女把鏡臨妝臺長江萬
里如奔馬彭蠡淵宏匯其下乾坤陶冶質本虛波濤撞

翠聲非假春風浩蕩秋月明蛟龍鼓舞鯨鼉鳴或如巨
 鏞震東序或如棧劇和琴笙水石相遺豈人力石鐘千
 古留佳名山僧扣石誇奇絕南音函胡北清越山川李
 異石偶同至理甯容三寸舌我來訪古將誰從鄴元高
 渤東坡翁枕流洗耳了無得倚闌目送雙飛鴻忽憶高
 皇此停蹕龍旗一掃羣兇畢鐘乎鐘乎爾善鳴爲予汎
 埽磨厓石張治一掃羣兇畢鐘乎鐘乎爾善鳴爲予汎
 堆紫雲吹盡楚天開起凭吳山望廬山詩萬里長風浪作
 來遠獨上青山扣石鐘楚吳天闢水雲空萬峯搔首東
 林飛龍石鐘山下江如鏡映出青天五老峯懸泉千尺
 挂飛龍石鐘山下江如鏡映出青天五老峯懸泉千尺
 任夜泊石鐘山詩湖濱對立御亭亭別有清音注水經
 此石端從天外落何人肯向月中聽春潮雪捲三巴白
 秋雨煙施五老青鐘磬舟頭眠不得起將蘇記問山靈
 承王原詩雕鏤瘦骸節漱滌淨精髓裂洞幽遐膚也
 其裏夜深萬籟寂鬼神納連蜷水所以微風生簞鏞出
 理可哂李渤陋敲石沿俗子詭不有蘇夫子誰其發妙
 踟躕地好山過眼青嶺石嶺如飢見食不得食涎流口角心
 徒饒篷窗終日但兀坐憂來意見食不得食涎流口角心
 起礙拽檣索快風飽送雙高帆篙工舫師互歌笑蒼鷹
 脫鞵馬脫銜算程頃刻已百里遙望湖口波黯黯蒼鷹
 山忽落吾手先登不用僮扶攬大石耽耽踞猛虎小石
 枯帖眠神薺紫紆一徑盡華嶺但有枳棘圍枯棧女牆

攔山去八九止留一笠高巉岬郭中人家占佳處往往
屋後多松杉茲山得名在音響何必更論壑與巖邇來
世人好箏笛一哈古奏翻譏謔后夔伶倫不復作有耳
焉得聞韶咸急呼小艇款山脚舒若鬼刻神雕則嚼吟
鐘鞮亦何有昔賢毋乃欺愚凡不知我來值冬仲雨雪
早已飛廉靈江水落漕湖水縮安得駭浪衝空嵌蒲萄
綠漲理歸楫大樂豈肯終藏絨會
須磨厓紀歲月江波永作青瑤函

幞頭山在湖口縣南與上鐘山相連峯巒秀拔狀若幞頭

鐵屏山在湖口縣儒學宮前橫互百步如屏臨江潝

大嶺山在湖口縣東二里爲附郭諸山之高者縣南二
里有小嶺山其峯險峭過於大嶺

旂山在湖口縣西南三里許相傳明太祖與陳友諒鄱
陽鏖戰忽見山巔衣黃者麾旗而友諒浮橋頓解在旂
山後者爲松壽山以古松得名

柘磯山在湖口縣北四里卽沙山峯巒高峻沙擁其上
迤東相連者爲老臺山縣北二十里有西山相連者爲
香鑪墩山縣東北三十里有龍潭山

堅山在湖口縣東二十里三峯相連形如筆架

殷家山在湖口縣東四十里相近有朋脈山烏石山馬
迹嶺山

東石山在湖口縣南三十里旁有龍井上多雲氣又南
四十里爲浮山在阜湖口形若龜浮水面

石門山在湖口縣治南兩崖對聳如門當兩石閒垂流
數丈有石可坐千人

大磯山在湖口縣北五里屹立江邊

楊山在湖口縣北三十里一名興雲山其連峙者名峽

山俗名望雨山

酬山

一作酬山

在湖口縣東二十五里或云上有醴泉又東

十五里爲花尖山分大小二尖峯峯如芙蓉又有黃嶺山以山土黃色故名

武山在湖口縣東五十里與廬山夾鄱湖而峙根盤四十餘里爲西南最高之山上有茨茹池池畔有寶華寺相傳赤腳僧修煉於此界接彭澤縣

曉石山在彭澤縣東一里環山皆蜿蜒而此峯獨秀拔日出先有光縣北一里有觀音山相傳元至正元年四月八日雪集巖前見大士像因建堂山中山有白龍洞其石肖龍縣西有鳳凰山山下有讀書巖右爲潛玉洞嶽山在彭澤縣東大泊湖中雙峯聳峙當浪子山林二

水入湖之口

龍山在彭澤縣東南三十里梁尉文光修煉之地松壇石室丹竈遺蹟具存

橫山在彭澤縣南三十里下有橫山港流入方湖

鏡子山在彭澤縣西北隅南接西山北瞰大江石峯嶙峋崖有圓石其光如鏡

石壁山在彭澤縣南四十里山有玉壺洞高七丈深三十丈泉流不竭一名仙人巖其下爲青山湖

游龍山在彭澤縣南新興鄉東接浩山延袤百里山勢如游龍北爲大鳴山眾石崔嵬羣木蒼鬱四時澗水注石有聲如雷相對者爲小鳴山

仙蹟山在彭澤縣南三十里一作東上有巨人蹟相近

有陶王山上立陶侃廟

黃漿山在彭澤縣東南四十五里疊石如磬上下有二

洞深邃莫極歲旱祈雨輒應

宋黃鵬舉詩清泉澈底鑿無泥喚作黃漿恐未宜若

見洞仙還寄語佳名當喚碧琉璃

馬當山在彭澤縣東北三十里其山象馬橫枕大江烈

風撼浪行舟險阻人爲立廟其巔有天井相傳唐王勃

舟過其下遇神賜以順風一夕至洪州作滕王閣序

唐陸

龜蒙銘天下之險者在山曰大行在水曰吕梁合二險而爲一吾又聞乎馬當徐凝過馬當山詩風波隱隱

石蒼蒼送客靈鴉拂去橋三月盡頭雲葉秀小姑新著好衣裳

浩山在彭澤縣東九十里界連鄱陽縣及安徽建德東

流二縣唐李太亮擇彭澤山之高者莫若此因浩山而

立浩州後廢

小孤山在彭澤縣北五里壁立大江中一名髻山取其

形似髻也江側有彭浪磯與山對峙俗謠為彭郎唐顧

古廟楓林江水邊寒鴉接飯雁橫天大孤山遠小孤出

壁蒼山與相排所謂小孤石蟠根萬仞淵巖角百丈碧

祠堂豁精嚴行旅進粉澤或云婦女神胎蠻頗有格吾

知定名意似欲旌介特流俗如失其真傳聞莫開釋居人

私其利禍福妄損益競為媚如說以誣聰明德先王撫

山川禮典有廟食奈何媚於寵屈己忘正直吾欲為小

孤作書解行客復恐不見從嗟哉世多惑張耒詩一

峯拔水孤劒立古廟開簾雙臉紅水邊古木老龍蟄山

下水色磨青銅我來扁舟望有禱薦頃春水清浴溶明

神報我意加厚嗟我薦獻愧不豐重游知復在何日俯

仰天地位身飄蓬謝枋得詩人言此是海門關海眼無

涯駭眾觀天地偶然留砥柱江山有此障狂瀾聖如馬

士專揚立危比孤臣末世難明登峯須造極渺觀字

宙我心寬元吳澄詩并序延祐五年秋與伯生修撰

彭簿劉尉同游因賦五十六字來審囚棹舟登孤山有

蓬曾賦小孤詩風濤如許相衝激天柱迄今無改移長

願江流平似鏡坐看舟客去如馳悠悠此日登臨意付

與潯陽循吏知揚侯斯北上登小孤山詩積雨西南

下朝宗第一門憂勞思舜禹疏鑿正乾坤地東千帆側
天扶一柱尊蛟龍深窟宅穩睡莫騰翻傳若金詩船
度江天暮色青半江峯影動寒星海風忽起元珠樹山
月遙生綠玉屏海上夜失蓬萊九關明危素歌大孤
仙人暮暮來絕頂徑踏星辰朝九關之石銳以高峭立
之石衡且櫛青青長在湖中臥小孤之石嶠屹天柱蜀巴
傲岸當洪濤泊逝水東流去兩石礁嶸屹天柱蜀巴
之源浩沔壯哉此地江海門鴻龐稍見土宇曠疏鑿
方知夏后勤名山大澤神所主過者震驚誰敢侮云何
作勵向江隈博土娉婷若龍女篙師賈客爾何飛坎坎
伐鼓持豚蹴倚篷清坐漁歌起日暮沙禽來去飛第一
適詩江行已十日始至小孤山東下方千里西來第一
關穿巖祠廟險蹲石鶴鵲間賴有人成市簫翁獨酒還
木門風不斷片帆揮手謝高臺彭華暮登小孤山詩
扁舟泛湖口日暮泊彭澤欲尋淵明不可見江山形勝
渾如昔羣峯竄拔奔走江之南何時巨壑壁裂峯巖
巖屹起江之北江波滾滾來日夜流不息豈不聞洞庭
闊無涯豈不見彭蠡深莫測千里拍天勢兩山束狹如
溝洫誰云非尾闕歸無終極傍與四海相周流中藏
鱗甲不知幾千百萬億我生碌碌三十秋幾度往還倦
登陟今來伯仲自相攜乘興躡足此山側制然憑空發
長嘯山鳴谷應石欲裂須臾寒風四起雲四塞四海入
荒同一色林木陰森猿鶴吟驚濤怒湧蛟龍泣只言目

噴心神怡甯知興極憂思集懷鄉戀闕雨悠悠征衫半
掩啼痕溼功名百歲竟幾許蹉跎一老嗟何及何常名
成早賦歸去來挾此風雲飛上蓬萊立等閒謝絕人
事卻與羣仙相出入相出入共周旋上摩日月俯乾坤
回首杯視江湖培塿區區一登覽瑣瑣安足論
守仁登小孤壁詩人言小孤殊阻絕從來可望不可
攀上有顛崖勢欲墜下有劒石交巉頭峽風閃壁船難
進洪濤怒撞蛟龍關帆檣摧縮不敢越往來心似退
山崖傍沙岸日東徙忽成巨浸通西灣帝心似憫舟楫
苦神斧夜闌無痕斑風雷倏見萬怪人謀不得憫舟楫
閒我來絕意欲一往小舟微服沿回瀾側身梯息仰天
寶懸空絕棧蛛絲一怪風吹卵酒眼花落滑丹梯盡力
屏青龍吹雨出仍沒白鳥避客來復還峯頭四顧盡落
日宛然風景如瀛寰煙霞未覺三山遠塵土聊乘半日
閒奇觀江海詎爲險世情平地猶多艱嗚呼世情平地
猶多艱回瞻北極雙淚潸陳邦瞻泊小孤詩驅石何
年到海邊孤根突兀插重淵氣蒸吳楚千江合勢壓東
南萬仞懸雲破中天支玉柱月明大地湧青蓮我來恍
惚聞吟嘯疑有蛟龍夜不眠國朝彭士望小孤山詩
昔與俱浴雷雨亦相盪樹無凡鳥栖檠供山僧養苦節
月波中獨立本無黨鄭日奎詩何年小孤山突向中
風起亭亭百餘仞壁立四無倚高蔽天之下遊軒少
底石氣生孤寒草樹不敢美吹鳥紛紛下遊軒少至止

惟餘幽磽中一寺縮崖趾江流自日夜此域無增毀不
謂一拳力而欲金焦比信知天地心狂瀾須一砥山水
且復然人境今誰是熊一蕭登小孤山詩炎兀疑填
石荒唐紀斷鼇誰移華頂峭偏障海門高吳楚千帆月
江湖五夜濤泊泊往來去一葉穩漁舸

雙劍峯在德化縣南五十里龍門西峯下其峯形勢插
天宛如雙劍與府治相直宋乾道中蜀人唐立夫來知
江州闢譙樓前隙地築爲二城夾樓而矗其上謂之匣
劍唐來鵠題廬山雙劍峯詩倚天雙劍古今開三尺
高於四面山若使火雲燒得動始應農器滿人間
圭璧峯在德化縣雙劍峯西南峭直而剡首如圭與錦
繡峯相並錦繡峯蔥蒨如舒繡故名又西南爲蓮花峯
亦有董奉杏林遺蹟宋周敦頤卜居於此蓮花三峯之
北有撥雲峯又北爲蛇岡嶺之首其下有雲溪寺
聖治峯在德化縣蓮花峯西南唐有陳隱君居此卽義

門陳氏之祖也其南有仙人巖其東北爲三山澗

香鑪峯在德化縣西南三十里廬山之北峯形圓聳氣

靄若煙故名其陰爲白居易草堂故址又吳章山東有

小山亦名香鑪峯蓋廬山本有三鑪峯也宋鮑照從登

宗盛荆夢登歌美鳧繹徒收杞梓饒會非羽人宅羅景

霧岑延蘿倚峯壁青冥搖煙樹穹跨負天石雷崖滅土

膏金澗測泉脈旋淵抱星漢乳竇通海碧谷館駕鴻人

巖棲咀丹客殊物藏珍怪奇心隱仙籍高世伏音華綿

古遁精魄蕭瑟生哀聽參差遠驚觀慚無獻賦才洗江

奉毫帛梁江淹從冠軍建平王登廬山香鑪峯詩廣

成愛神鼎淮南好丹經此山具鸞鶴往來盡仙張瑤草

正翕掩玉樹信蕙青絳氣下縈薄白雲上杳冥中坐瞰

蜿蜒俛伏視流星不尋遐怪極則知耳目驚日落長沙

涪屑陰萬里生藉蘭素多意臨風默含情方學松柏隱

羞逐市井名幸承光誦末伏思託後旂唐白居易登

香鑪峯詩迢迢香鑪峯心存耳目想終年牽物役今日

方一往攀蘿蹋危石手足勞俯仰同游三四人兩人不

敢上上到峯之頂目眩心忪悅高低有萬尋關狹無數

丈不窮視聽界焉識宇宙廣江水細如繩湓城小於掌

紛吾何屑屑未能脫塵鞅歸去私自嗟低頭入蟻壤
徐凝詩香鑪一峯絕頂在寺門前盡是玲瓏石時生旦
暮煙明王守仁登香鑪峯次蘿石韻曾從鑪頂瞰天
風下數天南百二峯勝事縱爲多病阻幽懷還與故人
同旌旗影動星辰北鼓角聲迴滄海東世故茫茫渾未
定且乘溪月放歸篷李萬寶眺香鑪峯絕頂詩紫煙
飛上香鑪頂蹴踏東南第一峯人向雲端扶杖屨山從
天畔削芙蓉仰攀怪石愁飛鳥俯瞰幽宮起臥龍玉宇
瓊樓應咫尺塵寰霧境隔千重國朝王思獻詩西江
匡廬峯香鑪最雄傑日出盪層霄恍觀紫煙蒸茲山從
何來氣勢宛相峙疊嶂覆寒雲懸厓破積鐵造化侈壯
觀玩好亟陳設狀物實肖形命名紀前哲左顧祇林幽
右帶溪流潔孤高不可躋一往每百折風雨千年餘石
壁陰藓裂水末迴斜陽飛翠互明滅須臾見金光連蜺
挂雌霓如彼焚柴升崇穹罔不識天門敞虛無臨風數蕭屑

丈人峯在德化縣東南大孤山上明米萬鍾鑄題

天池峯在德化縣西南五十里天池寺北其寺明嘉靖
中僧明瑤重修南有文殊巖西南有舍利塔西有文殊
臺其下遂谷夜有光出是爲佛燈

鐵船峯在德化縣天池峯西南頂有石船其色黑故曰鐵船或云吳許二仙之鐵船墮而爲峯又西南爲白雲峯與黃龍阻一水

石耳峯在德化縣南七十里廬山之北其峯有二並列高聳形如兩耳宋洪芻詩朝踏紅塵暮宿雲往來車馬浸紛紛猴溪橋下潺湲水惟有峯頭石耳聞

大林峯在德化縣西南六十里下有新蘿巖雞冠石飲牛池宋周子詩三月山房煖林花互照明路盤肩頂上人在半空行水色雲含白禽聲谷應清天風拂襟袂縹緲覺身輕

擲筆峯在德化縣大林峯一作寺北相傳晉慧遠製涅槃

經疏成擲筆於此東南爲長衝有泉數十泓石門礪水之源也明李萬寶詩遠公說金經書罷曾擲筆千年棄不收化作一峯立

支提峯在德化縣黃龍山一作寺東明末建六和塔於其

上相接者為雲屏峯下有二池四時不竭

九奇峯在德化縣天池峯之陽一名九疊屏東起含鄱

嶺西迄上霄峯其奇者有九故名俗謂之火焰山元文

吾聞匡山雲錦九疊之勝神所栖界天絕壁雲為梯鳥

飛摩霄注壑不可到上有泰始之積雪下有歷劫之冰

澌靈岫仙巖虎豹遠緣樹杳杳青猿啼蔡元君騰空子

今何處桃花石室徧巖戶捫箕箒欲上去轉迷中有

神君指仙路石梁浮空來浩然啟天關手捫五老頂足

躡香鑪煙但見飛霞笑電搖光九道疊雲錦天河中斷

摧鐵山鐵山何巖素浪決出崑崙巔縣流一瀉數千

仞跳珠迸出與石忒關卻上倒作雪濤醺長松吹香灑

晴霧玉泓直下含清寒鳴呼安得南箕為杯此水為酒

手攜雲旗喚王母排獻吾君千萬壽暢皇風包九有七

十二君同不朽卻容三十六帝有外臣盡乞南山種三

秀清水黃塵一回首廬君此意今知否國朝黎元寬

九奇峯寄釋匡雲詩飄風應不到匡廬臥起匡公走訊

予為問九峯峯頂上可容勞苦試騎驢會傳燦九奇

峯訪老僧匡雲詩一折復一折乃知山路長崖隨藤作

杖門以石為梁遠望故多色野花殊亂香老僧唯好睡

不問客
何方

麒麟峯在德安縣西崑崙山上圓聳峻拔

武峯在瑞昌縣北二十里與江北文峯對峙故名

四峯在瑞昌縣西十里四峯如削插入雲霄

鳳凰嶺在德化縣東五里俗名長嶺縣南十二里有曾

家嶺

推車嶺在德化縣西南佛手崖右

國朝查慎行詩奮身出絕險深入悉平

地玩情忘安危履境識難易憑高試北望來路直如棄

枯株盡僵仆樵採遠莫致野火歲燒林虎狼何處避前

山有厲禁僧律嚴於師漸入翠微天濛濛雜煙樹

分水嶺在德化縣三山澗之西南其上有太平鋪又西

南爲松光嶺其嶺多石樹皆生石上有黑松林野燒不

及蒼翠盤曲如畫西與牯牛嶺相接又西南爲鈴岡嶺

峽石嶺在德安縣西十五里西北諸峯於此迴峽

馬迴嶺在德安縣北三十里明初破陳友諒後軍至此迴馬故名

石人嶺在瑞昌縣西百十里有石屹立如人路通湖北興國州界

梧桐嶺在湖口縣東四十里嶺麓接彭澤縣界

登洪嶺在彭澤縣東與浩山相接林木森蔚下有洪水東流北會於香口入江

石佛嶺一在彭澤縣南三里一在縣東五里又縣南八里有鮑家嶺

七里岡在德化縣南五十里橫互平行者七里故名縣西南九十里王宏岡晉刺史王宏遣白衣人送陶潛酒

卽此地也

石繡毬岡在瑞昌縣獅子山前又縣之金城鄉北隅有
雞冠岡上有巨人并馬牛蹟

龍蕩崖在德化縣東南蓮花峯之水口有石如船其潤

曰石船河

佛手崖一作巖在天池寺東北距昇仙臺數百武石壁垂

不如手故名崖內有一滴泉千佛崖在小天池寺前有

楊岐洞相傳楊岐禪師卓錫於此明王慎中登佛手巖

百轉幾經休迴復千峯晚氣浮路絕見僧行樹杪蟻鳴

呼客入林幽平看珠斗懸銓影俯瞰明河激欄流頗似

謝公高簡性領州不自廢山游國朝李滢詩天池積

翠恣淹留佛手巖前策杖游磻戶只疑疏雨滴晴江真

見夕陽流仙臺更何處暮雲荒草感深愁
老君崖在德化縣南廬山太平宮左

朗公巖在德化縣廬山化城寺僧慧朗冥坐處也龍王
蓋孟錫杖三泉及觀鐙石俱在寺側

白石巖在德安縣西東佳山之巔高二十餘丈石色潔
白

紫巖在德安縣西東佳山之上巖石峻聳如壁望之紫
色瑩潤泉出其下天晴則西流雨則東流雨晴未定則
西有小水遇旱人欲塞其竇挽之於東亦不能也泉西
有石洞深不可極旱則瑞昌建昌武甯諸邑之禱雨者
畢至秉炬以入進四十里許有大湖昔求雨有善泗者
過其湖見小山及田疇或擊桃符用狗首觸龍聞土雷
之聲卽得雨洞中勝槩不可殫述

白霧巖在湖口縣王仙鄉四時有白霧飛障又有子謦

巖亦在王仙鄉雙石秀拔如髻

仙真巖在彭澤縣南石門裂峙高五丈許中有清流其旁爲玉壺洞深七八里有水繞洞而出可引以灌田

白龍巖在彭澤縣南九十里巖壁有白石如龍

蓮花洞在德化縣南二十五里蓮花三峯之北洞門高丈餘藤蘿交蔭晝日常黯水源不竭通新橋大河桑蔬云今三峯之下無此洞也

宋周子詩潺湲來數里至此始澄清有龍不可測岸水寒

森森吾樂蓋易足名濂朝暮箴

劉越洞在德化縣南蓮花洞東一名仙人巖巖壁倚天洞口約四尺深不可測相傳劉仙隱於此

飛雲洞在德化縣太平宮後山俗呼詠真洞蓋假借詠真洞天而名元延祐閒有桂心淵者人謂之桂風子隱

居其閒後尸解去

白鶴洞在德化縣西株嶺山下洞門高二丈許深遠無際中有泉水四時不竭灌田百頃相傳白鶴仙人於此修道

石谷洞在德化縣南六十里上有大石覆之人偃僂而入內高數丈其深莫測

鳳巢洞在德化縣西南九十里一名清泉洞洞門高丈許內深如屋水源不竭可灌田百餘頃

紫煙洞在德化縣西南香鑪峯下明李萬實接得之井

名

明李萬實詩并序宿紫雲之夕黃生謂錢公曰此去香鑪不遠惜險絕無路遂爲游人所遺余輿助奮欲

一往公許之明日步自草堂躋援木石穿叢莽中行數里許得底石臥短松下恰坐二人遂小憩之石旁一巖中隱隱光出隸人剪木窺之乃一小洞初自洞中僂僂入中可容十數人其後復有光以石投之莫知所止余笑

謂公曰自有鍾峯來游者不可勝紀而茲洞無有知者豈山靈久秘以俟公邪昔李白有日照香鑪生紫煙之句則今洞便可稱紫煙洞矣公大笑從之因書三字其上且系之以詩俾後來者知所自焉香鑪峯下千年洞廬嶽山人久秘藏太守探奇緣絕頂紫煙今日始開荒盡洞門深鎖惡木枝陰陰蔽護東南奇使君仗劍一與游人窺

柵嶺洞在德安縣北四十里柵嶺山之巔洞門高八尺中廣丈餘上有一竅四時滴水距洞百餘步有小洞曰蜜蜂深不知所止

玉華洞在瑞昌縣東二十五里千形萬狀不可殫記泉湧如雷唐時僧於洞中獲磬與錢皆漢代物也德安亦有洞名玉華與之相通宋楊時詩蒼藤秀水繞空庭桑石層巒畫屏混沌鑿開幽窅遠巨壑分孽兩峯青雲藏野色春長在風入衣襟酒易醒采玉遺蹤無處問擬投簪紱學仙經

王喬洞在瑞昌縣西二十五里內有懸旌滴泉天窩石

鐘諸勝傳是王喬修煉處又縣東十五里有萊子洞在
烏岡山谷傳老萊子隱此

垂魚洞在彭澤縣西南五十里深遠莫窮有石魚垂於
洞內又有石橋基局石乳之異

錦繡谷在德化縣西南佛手崖下相傳為晉慧遠時藥

處宋孔武仲詩江城已月芳菲盡殘紫深緋到谷中

是廬山佳麗處我來蕭灝已秋風國朝朱之佐錦

繡谷詩義義匡嶽露露春暉和風朝扇柔露夕垂言度

谷口仰睇巖屏雜花芬郁異卉蔚然青谿已流碧嶂方

開游魚競唼靈鳥自愛中有仙真樂此志歸乘鸞長嘯

采藥療飢欲往從之周道倭遲所期羽翰萬里奮飛既

餐霜雪載挹芳菲濯

櫻輪髮山巔水湄

諡告石在府城濂溪書堂宋嘉定間魏了翁請為周茂

叔先生易名詔諡曰元後了翁召還過九江以諡告寶

慶間軍守趙善璫始鐫之石

影石在德化縣廬山西林寺高八尺徑五寸梁太清中有僧自西域持來佛象頂上常放異光道俗瞻仰咸指爲幽冥鏡云隋時晉王廣取去後登儲貳乃送藏曲池日嚴寺雞公石在雞石山上山椒有石如雞其味加於蓮花峯之巔

龜紋石在湖口縣北石紋山旁

寶珠石在彭澤縣東北發洪嶺內大石分裂斜枕溪畔中有圓竅八九左右徑圍相符俗傳神人劈石以取寶

以上並據府縣志

山十二 南安府

玉枕山在大庾縣北五里爲南安之主山高三百仞連延三里兩麓五峯次第相屬別名五指山又名華蓋山

亦稱五侯山

印山在大庾縣南里許驛使門內郡有七邱名七星此其一也周遭爲池山峙其中如印故名

東山在大庾縣東南二里隔水山勢特起俯瞰兩城形如合璧小河橫繞山下大河西來相會若縈帶然左折爲亞東山泉石甚勝稍南爲南山有泉下流爲陂南康縣東五里亦有東山

獅子山在大庾縣東一里如獅蹲踞山腰有清惠泉相傳可以愈疾泉右有龍母祠

寶珠山在大庾縣西三里連五馬山而近城形圓如珠五馬山在大庾縣西四里形如五馬圓秀瞰江又上猶縣南門隔水亦有五馬山

五里山在大庾縣南蜿蜒翔揖稱名勝焉山西有折梅亭蒸髦亭今廢

金蓮山在大庾縣北三里諸峯連接狀若蓮花山麓有法華院墨花亭稍上爲舞劒臺張弼改名高明所縣西北七里有龍頸山水自石出名曰龍泉山之半石砥如湍

太平山在大庾縣東北十里由下峒入山上有圓坪如涌盤旁有兩山如龜蛇上有泉出石隙瀑流數尋下爲龍湫水中一墩如浮杯

西華山在大庾縣西十里石壁如削轉磴而上平衍有田有僧院前有石澗無魚蝦傳是神龍所游澗旁一石甚平名釣月臺澗底有臥僧遺蹟瀑布凡三十餘丈南

有石洞可坐十餘人左有松數千株皆直幹無旁枝又老樹五自地摩空亦無枝蔓

天馬山在大庾縣南三十里梅嶺之東又東有貴人峯雙秀山在大庾縣東北二十里舊名丫山宋知軍黃鐸改今名兩峯尖削如馬耳山有巨人蹟宋棲真尊者塔西北有靈巖院右折爲梆坑有龍湫禱雨屢應

大龍山在大庾縣北三十里高八里延亙三里狀如游龍故名左有幞頭巖右折有呆婆巖後有錫坑山又有仙女梳妝二巖相傳有仙姥挾二玉女棲此

玉泉山在大庾縣東北五十里一名玉龍山兩山對峙如門中僅一徑入二里許有泉有庵相傳蘇耽所居冬煖夏涼土人多肄業其中

鎮龍山在大庾縣西北六十里四山環列內有坪有溪
右爲龍湫舊有龍見故名

天竺山在大庾縣東北六十里山形峯嶺林木豐茂與
丫山對峙舊有寺今廢東有月峯奇秀特出相近爲巘
山界接南康縣和溥水出焉又東北十里爲雲山自下
陟上十里許有庵有靈應泉舊傳此山產桃游人欲食
者禱之乃許啖一二顆不得持歸

雲臺山在大庾縣西南一百里山最高常有雲氣盤結
盛夏涼沁遊人有衣裘者

南臺山在南康縣南五里山腰有巖可坐十餘人有南
巖寺久廢月夜風籟過客時聞鐘磬聲稍右有山秀銳
而差低名小南山縣西一里有西山舊有塔明宏治間

圯

鯉魚山在南康縣東北一里形如魚又了髻山兩峯夾

峙如雙髻

謹案舊志了髻山複見於後下
云山頂稍右有池不竭今刪

縣東一里有

東華山江水經此縈回若帶形家謂之水口山明萬厯

閒邑人王事聖創庵其上外磬石爲長隄前有平臺

旭山在南康縣北一里巍然高聳爲縣主山以日出先

照故名一名九日山相傳宋陳升之之父爲縣主簿夢

山神來謁遂誕升之因名旭後避神宗嫌名改升之登

第後復宰是邑築臺其上名曰旭嶺書臺

獨秀山在南康縣東南二十五里舊名雞籠山宋蘇軾

過此愛其峯巒聳銳改今名下有龍湫禱雨屢驗

宋蘇軾詩

倚天巉絕玉浮屠肯與彭郎作小姑
獨秀江南知有意要三二別四方壺

高靈山在南康縣東南三十里與獨秀山對峙周十餘里山勢巍峻躡磴而上爲三天門相距各里許門各摩崖鐫字最上有朝元閣瀑布泉折而左有塔院東數里有勝龍山北出九牛驛抵玉潭山爲往來通徑山麓有庵曰盤龍又東青隱山與贛縣武林山相望

李家山在南康縣東四十餘里接贛縣界

龍山在南康縣西南四十里地名鍋坑高三百五十丈延袤四十里接大庾崇義二縣界

雲

一作靈

主山在南康縣西南一百里接大庾界高可數

百丈形如飛驢俗名馬山上有仙巖巖前有池四時澄澈旱澇無增減山麓有廟祀黃總管相傳神係唐代人捕賴坑賊遇害者

石君山在南康縣西南三十里

一作一百五十里

三石形甚似

人中最髙聳爲君左曰夫人右曰女郎列峙如相顧然俗名薰嶺接大庾界

玉潭山在南康縣東北四十里地濱大江章水流經南楚驛卽自此潭泉東注

鹿鳴山在南康縣北四十里山北有鄉名鹿鳴以此

禽山在南康縣西北六十里俗名蒙山高三百餘丈縣互百里入上猶縣界

畫錦山在南康縣東北一百里初名大乘山山腰有寺曰畫錦故名卽今妙聖寺是也

羊嶺山在南康縣北一百六十餘里山頂有浮圖相傳唐有郭禪師者居此下山或驅虎豹後以禱雨弗應積

薪自焚火然而雨隨至人見其烈焰中冉冉而去因祠祀之

蓮華山在南康縣北一百七十餘里一名巫橋嶺狀如蓮花上有巖可容百餘人巖前有仙橋橋下有瀑布千尺瀉於石竇不知所歸南唐時鄉人結寨於此因名蓮花寨嶺連屬崇義縣界又縣西北五里別有蓮花山四圍平疇縈繞中田全體凸而中凹形如蓮花故名飛鳳山在上猶縣西北二里爲縣主山高百餘丈軒舉如飛鳳下有萬年觀巢道人居焉

資壽山在上猶縣東半里許高八十餘丈橫互五里踞如象南山在縣南二里高聳插霄俗有山生角地生鱗舉子成之識明永樂中知縣吳謙建塔其上

巽山在上猶縣東一里相傳邑人有登科者則山下石障必生光彩又東一里爲方山形如覆斗一名石臺又名頒誥臺

西雲山在上猶縣東南十五里元至元間建普照寺旁有龍井明天啟間知縣龍文光旱禱至井得小蛇納之瓮中載以入城未至而雨隨注乃以銀鈴繫蛇項還之井後邑人常見之因名其井曰靈應龍潭

九龍山在上猶縣西二十五里山有九尖峯又西五里爲琴龍山地名琴江下有龍潭遇旱於此祈禱

焦龍山在上猶縣西八十里兩峯對峙中瀉急湍有龍潭深不可測又西二十里爲書山形如書櫃一名太傅

山

旗山在崇義縣北半里許一名斗山明王守仁改名獨秀峰後以縣名稱崇山縣東半里有大龍山高八十餘丈其麓爲笱蘭山乃通十八面嶺之路縣西里許有伏虎山如虎飲河有泉流入城繞縣治學宮

觀音山在崇義縣南十里壁立峭絕宋紹興中有鍾行者登山四顧戰慄莫能下因誦經若有白衣人掖之者故名

龜山在崇義縣西三十里形如龜多產茶及水竹其竹節極疏而肉薄可爲簫笛縣西南三十里有符水山一名浮竹坳產竹小而輕又西南十里爲天臺山

大嶂山在崇義縣西五十里回環橫互形如簾幙延袤數百里前臨絕岸跨以石棧廣盈丈隆數十丈

五指山在崇義縣西七十里亦名五指嶺五峯相連尖秀如指又西有鑊山西符水所出也

聶都山在崇義縣西南六十里高一百六十仞連亙四十里西接湖南桂陽縣相傳昔有聶姓者開都以聚民故名孫維嶽聶都問答云字從耳虛也從三耳虛之虛也是山盡石白質有文作金銀氣其穿在地肺拊之竅皆鳴若金革經稱都者不數見廬江出三天子都乃在斯流之下注是山也水出章合貢匯彭澤注揚子而入於海由海上溯危峻若九閘萬派頻首朝宗焉實爲帝之所都是說亦通山巖有獅子巖巖西有石田名斗田其上多礬石遠望如雪有石可爲茶磨元有蒙古人宦此琢取過多又琢白石爲礎五十雙載歸自此石變脆

質

傀儡山在崇義縣西南七十里又西南二十里爲南原山周迴約六十里高插霄漢飛瀑百餘丈下有湫潭其深莫測明成化閒大庾令夏璣躬詣求雨有應

笮頭山在崇義縣北一百四十里山峯聳出若聖筭然九齡山在崇義縣西一百四十里石嶺龍嵒屏其後九十九峯峙其前

龍歸山在崇義縣西一百八十里接廣東仁化縣界深林叢箐土人製茶與普洱茶相似

天柱峯在大庾縣東北五里峯銳而圓參天如柱楊筠松云峯在良方居人多壽

齊雲峯在上猶縣西十五里勢干雲霄亦呼障山宋謝

允昌讀書於此縣西一百五十里有筆架峯縣東二十五里豐江邨有雙秀峯縣東北五十里有白塔峯亦名白塔嶺

文塔峯在崇義縣北三里許當橫水之去口明萬厯戊申知縣楊邦直募眾建塔其上故名

國朝康熙庚申正月十六夜大風墜其塔頂

大庾嶺在大庾縣西南二十五里嶺南屬廣東南雄州爲五嶺之一古稱塞上亦稱臺嶺山又稱梅嶺以嶺多梅得名或云漢高帝時梅銷家嶺下名梅嶺銷歸吳芮留其將庾勝兄弟守梅嶺又名大庾嶺又南康記稱漢兵擊呂嘉有庾姓將戍是嶺故名或云形似庾廩也又稱連谿山廣東連谿之所發源又稱東嶠山五嶺之最

東也或又稱涼熱山延袤二百里螺轉九磴而至頂登者難之唐開元中詔內供奉張九齡鑿開新路始通車馬宋嘉祐中蔡挺提刑江西兄抗漕廣東乃陶土爲甃各營其境復夾道種松以休行旅又立關於其上曰梅關亦名橫浦關瀋熙問知軍管銳多植梅以實其名咸瀋問知軍趙孟邁扁嶺下官驛曰梅花國明成化十五年知府張弼重修嶺路并作均利記勒之於石

唐張九齡開鑿

大庾嶺路記先天二載龍集癸丑我皇帝御宇之明年也運內及外窮幽極遠日月普燭舟車運行無不求其所需易其所弊者也初嶺東廢路人苦峻極行徑黃緣數里重林之表飛梁巖巖千丈層崖之半頓蹙用揚漸絕其元故以載則曾不容軌以運則負之以背而海外諸國日以通商齒革羽毛之般魚鹽蜃蛤之利上足以備府庫之用下足以磨江淮之求而越人綿力薄財夫負妻戴勞亦久矣不虞一朝而見恤者也

何以致茲乎開元四載冬十有一月俾使臣左拾遺內供奉張九齡飲冰矢懷執藝是度緣磴道披灌叢相其

山谷之宜革其坂險之故歲已農隙人斯子來役匪逾
時成者不日則已坦而方五軌闢闢而走四通轉輸
以之化勞高深為之失險於是乎鐮耳貫胸之類殊琛
絕貴之人有宿息如京如坻甯與夫越裳白雉之趨
尉佗翠鳥之獻語重九譯數上百而變常樂成者利十而
徒役者聚而議曰憲始者功百而變常樂成者利十而
易業一隅何幸二者盡就況啟而末通而未有斯事而
之盛皆我國家元澤寢遠絕垠胥泊古所不載甯可默
而無述也蓋刊石立紀以貽來裔是以前之琢之樹之
不朽蘇訖開大庾嶺銘石歲荒兮山崖之嶽之樹之
兮相蔽虧嗟岬岬兮莽芊芊噫茲路兮不記年大聖作
兮萬物觀惠吾人兮道復古役斯來兮重九譯車屯軌
兮山可平懷荒服兮走上古伊使臣之光兮將承永而
無斃明桑悅重修嶺路記庾嶺雨廣往來踐履諸夷
朝貢亦於焉取道商賈如雲貨物如雨萬足踐履諸夷
寒土南安人有驢背輦載絡繹米鹽器用多貨之所由
出也開闢以來嶺之元胎鑿石開道往來艱於行有唐開
元四年丞相張公九齡鑿石開道往來艱於行有唐開
治舊有磚石細街歲久碎沒尺點丈綴散如列星路之
真形邱隴陰奪積雨連旬浹者欲瀆往人驢俱仆摩
虬踞觸貨隨敗毆爭訟辨卒至求砥廢王主客俱困
公移素煩前守茲土者明解其故力緜材弱付之嘆息
而已華亭張侯山進士任兵部員外郎出守茲土首詢

厥事因私計曰吾能少勞民大有逸矧勞有時貽迎無
涯吾何憚而不為邪用集父老率工師親陟嶺舉抗路
巨石嘗逃九齡斧鑿者悉用椎剉取其磬步級而升開元遺險
如昔負固今皆獻忠又砌以石磴步級而升開元遺險
脫於迴旋人可掉臂醉行負任者皆夜可以陟降矣顧
瞻九齡不有光邪嶺路之修其費不貲因會鹽商之直
每下稅一滴水添漲彼此挹注然是役之興適值歲歉
福建江西列郡飢民趨役者日計萬指荒政貽修全活
甚眾工興於成化十五年八月次年十月告成其長二
十五里其闕於一丈悉用碎石如失旋取鐵力巨材遇水架
固其邊幅泥淖若遊滴雨如城失旋取鐵力巨材遇水架
梁以病涉又以餘力補葺城凡為路者三十餘里而學
而北則斬新修治與嶺相準凡為路者三十餘里而學
宮前後又三賢祠後城趾東北及通濟山謝行頭諸處置
隄捍水又三賢祠後城趾東北及通濟山謝行頭諸處置
民功皆非細刑部禮以通道潯川為可為數百年無意哉
是役也巡視刑部侍郎金公僉憲陳公李公皆為有圖畫
以相其成理宜聯書其名以詔無窮侯名弼字汝弼修
政立教百廢具興其修嶺路之功識者以為宜配九齡
廟食茲土云唐宋之問度大庾嶺詩度嶺方辭國停
輶一望家魂隨南翥鳥淚盡北枝花山雨初含霽江雲
欲變霞但令歸有日不敢怨長沙宋徐鹿卿相黎丞
梅關嶺詩峭壁接高天開雲一佳境誰與共茲樂老仙
官曹冷風月兩閒人山川一佳境誰與共茲樂老仙

垂領明湯顯祖秋發庾嶺詩楓葉沾秋影涼蟬隱夕
暉梧雲初曉靄花露欲霏微嶺色隨行棹江光滿客衣
徘徊今夜月孤鵲正南飛國朝喻周早發大庾嶺詩
波行棹始弭捨舟遂納麓樹輪半相糾眾力方交逐石
路多乘危岫壑難旭復蒙形表自然蘊奇增駭矚壘壁
護蒼寒日氣午難北祠宇方入雲籃輿繞遵陸庾勝與
梅銷二名不專屬南藍日程去來各棲宿休暇如能
謀希聲散空谷李紱詩岷山之陽至衡山蜿蜒磅礴
郴永開五嶺連綿一千里大庾矗立尤嶺峴峴若星宿
絡吳越坡陀南下開甌蠻名山際海萬無算榮若星宿
來迴環孫曾滋大祖當念柯條雖繁根不刊我來孟夏
日已暑半空條欲風雨寒初綠灰徑入煙靄直盤層岫
窮雲端怪石對列虎蹲怒長松百丈龍拏驚雲封佛寺
漫荒忽曲江像設猶嚴尊振衣俯瞰浩莽渺山川漠漠
無涯垠贏劉世遠不可考鉤梯開鑿誠茫然強為山靈
立名字因緣庾勝連梅銷時清四海等同室棄捐險阻
開重關安事陸賈騁詞說豈煩楊僕橫戈鋌乃知威德
自廣大皇華萬里通輶軒登車卻循曲磴下割然一笑
寬天海

小梅嶺在大庾縣大庾嶺稍西北勢相聯絡較大庾差
平小唐開元以前入粵之路由此又名小梅關

金星嶺在大庾縣東一里許舊名旗山橫亙三里明隆慶間建塔於上又東一里爲惜母嶺嶺下有惜母邨獅頭嶺在大庾縣西南五里左有一山如象與此嶺俱瞰江流循江岸行有石竇頗方廣兩人可並行名曰石門下有眠石名石門限

莊彭嶺在大庾縣東南十里亦名扁嶺周二里許接廣東保昌縣界又縣東北十里有駱駝嶺高聳連亙形肖駱駝

雙章嶺在大庾縣南三十里舊因三峯圓秀曰三將軍明成化間知府鄧應仁以中峯平似書案改今名

白鶴嶺在大庾縣東十四里舊傳蔡仙隱此有白鶴來翔其麓有蔡仙井清冽不竭

馬嶺在南康縣東南一里一名西嶺又名天馬山形似馬延互橫峙其頂頗寬平明嘉靖閒副使高世彥以形家言檄縣於馬首累土增高萬厯戊午知縣湯有望建塔於嶺

嶠嶺在南康縣西南五十里峭拔高險踰嶺屬信豐縣界

騰龍嶺在上猶縣北舊學宮後舊名龍歸坑明知府張弼改今名

馬迹嶺在上猶縣西北五十五里

謝志作東北二十五里今據府縣志更正

石路閒有馬迹十一故名又縣北三十里有小梅嶺相傳爲梅福隱居處亦謂之梅山

大雷嶺在上猶縣北一百四十里地名大雷隘

舉嶺在上猶縣西八十里高拔與書山競秀一名挂榜山

小回嶺在上猶縣北三十里與南康縣接界

紅桃嶺在崇義縣東南六十里接南康縣界

雙鶴嶺在崇義縣西南聶都山右卽雙鶴洞舊名石室洞有井正圓廣尺而深不可測相傳神龍居之昔有遊人潤此井龍化雙鶴飛去洞容百人石乳凝結上如列星下如鐘鼓擊之有聲別有泉名觀音池縣西北一百七十里有金雞嶺

月子岡在大庾縣東五里形如半月下有月子塘瀦水常澄縣北一里鐵岡舊產鐵有鐵冶久廢又有五龜岡五阜相並偃伏如龜

青龍岡在大庾縣東北三十里

一作四十里

舊傳有青龍見

故名太平寰宇記有陳蕃子孫墓郡國志云庾嶺有青龍岡徐道覆欲上大電繞身震雷而止山上有石時放光明號鏡石

天心巖在南康縣西北四十里巖內通敞有光可坐數十人又以形似獅名獅子巖

梅福仙巖在上猶縣北三十里猶石嶂中相傳有三仙女居此屢著靈異唐時敕封明萬厯初邑人因巖建寺巖中泉水甘潔拭目倍明

燕子巖在崇義縣西南聶都山左白燕羣巢其頂泥落爲乳皆成玉故名石如蓮瓣有盤盛之亦名蓮花巖內有丹田數百邱多作角弓狀

歐公峒在府城西十里山隈石澗多菖蒲一寸十二節有臥石上若竅爲槽者俗名劒匣有巨石中斷俗名試劒石

羅漢峒在崇義縣西南聶都山右有石如門中有石十八排列左右若羅漢然清泉滴注者凡六頂有石梁長丈餘危峻不可度

崇義

謹案舊志羅漢峒在府城西舊鬱林鎮明正德中置崇義縣今仍之改隸

盧王峒在上猶縣西北一百二十里亦名盧陽洞山水雄壯以唐末盧光稠得名

桶岡洞在崇義縣西北一百二十里初爲輦洞明虔撫王守仁搗其巢因刻茶寮碑記於石碑凡八行一百八十三字大四寸許離碑刻七八里鎖匙龍之地有水自

上而下注於石穴深潭形若桶然洞以此得名王守仁

邢太守韻詩處處山田盡入畬可憐黎庶半無家與師

正為民瘼甚陟險甯辭鳥道斜勝勢真如飯水建先聲

不礙嶺雲遮窮巢容有遭驅脅尙恐兵鋒或濫加

亂興師既有名揮戈真已見風行豈云薄劣能驅策實

仗皇威自震驚燭額尙慚為上客從薪尤覺

費經營主恩未報身多病旅凱須還隴上耕

白面峪在崇義縣東北四十里

嫦娥嶂在大庾縣南二十五里峯巒秀開撒如帳幕

舊傳葛洪煉丹其上遺丹液多產仙茅

猶石嶂在上猶縣北二十五里遠望如猶蹲近觀之形

如石障又名大猷山縣之得名以此後有月巖竅圓如

月徑數丈有龍池歲旱應禱郭門長霧瀾寥廓纖雲一

片何嶙峋凌空欲落猶未落須臾日出煙嵐開始識眉

巒嵌萬壑昆吾刀削芙蓉屏巨靈掌勞蓮花萼正德之

季王文成秉鉞虔南開戎幕此地曾經駐行營柳跡莊

踞就鼎饒男兒讀書志廟謨西京邸第平津閣開元省

裏看紫葳謝朓脫階前吟紅藥不然橫浦下樓船手提長
劍誅鯨鯢如何短褐走天涯皓首窮經還寂寞長歌一
曲山靈驚木末
紛紛起鶴鶴

茶章在上猶縣西四十里石壁峭峻

蜈蚣峽在上猶縣西四十里山峻峭而水深視水之高
下占米價低昂

鼓樓坳在上猶縣東二十三里奇秀而高如樓閣故名
縣北九十里有較車坳徑路迂曲如較車然

石壁在大庾縣東一里又名赤壁長八十餘丈瀕章江
爲舟人牽挽之路明成化間知縣文志貴鑿平之以便
行者

迴龍石在大庾縣章江近南岸長數丈背弓起其下空
虛如龍踴躍

鯉魚石在大庾縣雙牌峽口水中小水稍落形如鯉魚洪
流新漲第見魚背高圓如籬俗又呼籬石或云水口鎮
石謂之羅星故曰羅石

浮石在南康縣西南三十里高二十餘丈狀如覆鐘水
環其外距浮石五里許有寶石雄踞如虎高二十丈連
亘五十餘丈因踞實岸名之以與浮對也

巾子石在南康縣北二百餘里巾石山上山高百餘丈
橫亘四十五里其巔有巖可容五十餘人內有瀑布泉
飛灑而下石形遠望如巾子故名俗譌爲君子石

香鑪石在上猶縣東二里形如香鑪屹立水中

筍石在崇義縣西北一百五十里有大筍小筍雙石峙
立大者高百丈小者差低俱嶄然特立

以上並據
可原云

江西通志卷五十五

江西通志卷五十六

山川略一

山十三 贛州府

賀蘭山在府城內西北隅舊名文壁

一作文筆
一文壁

山俗名

田螺嶺上有鬱孤臺其東爲縣岡坡又東爲龜岡相近
爲景鳳山

筆峯山在府城內東南隅濂溪書院後東接東勝山又
東有夜光山所謂城內三山也

天竺山在贛縣西四里極高秀舊有修吉寺唐元和初
僧韜光自錢塘天竺駐錫於此故名相接有伏龍山林
木陰翳頗稱勝境

鳳凰山在贛縣東十里狀如雙鳳故名

玉房山在贛縣東南二十四里舊名赤石山大石連聳
燦若舒霞中有玉房瓊室天寶六載敕改今名

九峯山在贛縣西南三十里屹立高聳南對崆峒北拱
縣治

席帽山在贛縣南三十五里俗呼酒壘山相接有金標
峯峯下有黃仙石相傳一道人乘白鹿從石上淩雲而
去

蛤湖山在贛縣西北三十里一名三陽山爲郡治後屏
上有三峯下有龍湫

崆峒山在贛縣南六十里古名仁空山一名空山自南
康縣蜿蜒而來章貢二水夾以北馳蓋贛之望山也山
麓周迴百里多材木果實食物一郡皆資此山最高者

爲寶蓋峯

宋曾幾寄空同山道士詩昨夜重念此

肅疏林風瑟曼曳杖掛詩瓢悠然適所適息心歸冥漠

山深萬籟寂散髮排天闔屹此鞭龍脊何時共采藥相

與對晨夕月夜拉洪崖嘯咏鏗金石李朴詩雲根秀

出碧芙蓉翠霓霞飛瑞靄中地脈九枝龍奮蟄天河一

橫空儲山在贛縣北二十里山俯清潭亦名儲潭山下有儲

潭君廟唐刺史裴諝祈雨感應碑猶存

玉石山在贛縣北四十五里山俱黑壤惟片石鮮白如

玉相傳昔有瞿氏釣山下見二少年皎若冰玉相謂曰

別來此石長殊駛已忽不見石上有冬桃樹及石杖云

昔有引杖擊桃者去而留杖於此又北四十五里爲錦

屏山狀若屏張又東北十餘里爲金龍山圓如覆釜相

接有烏兜巖懸崖瀑布溪澗環流

卷之三 山十三
螺亭石山在贛縣東南七十里有大石臨水號曰螺亭
按南康記云昔有貧女採螺爲業與伴侶暮宿此亭忽
夜中聞風雨之聲見眾螺張口亂噉其肉伴侶驚走貧
女乃死明往視之但有骨因報其家遂殯水濱其冢化
爲巨石螺殼無數號曰螺亭石山

西華山在贛縣東北一百里上有真武殿剏自天寶六
載敕曰靈山間有雷火埽殿宇相近有金螺山舊傳掘
土建剏得小石數斗如螺赤光如金故名上有石佛祈
禱甚驗

合龍山在贛縣北一百里與天師山相接距山十里有
龍蟠虎爪二石西接黃竹嶺爲龍泉界

龔公山在贛縣北一百二十里昔有隱士龔臺遯迹於

此故名山有寶華寺馬祖道一遺迹及勒潭龍井其東北爲徧巒山西南爲楊梅嶺天南山山舊有盧光稠驛亭又西爲順山一名瑞峯山怪石萬狀厯三十六坳乃至頂接萬安縣界

謹案舊志巖公山後載黃唐山引嶺州府志云接萬安界割隸秦和贛州

府縣志皆云割隸萬安舊志於吉安府已列黃塘巖考唐塘古通字萬安縣志朱尚素黃塘巖記亦稱古嶺地是誤分爲二且誤爲隸秦和今刪正

金雞山在零都縣西南十五里

一作西里

臨貢水石色如

霞其旁有穴廣四尺相傳有金雞出入

青釣山在零都縣東十五里巔有泉飛淙濺沫而下土人名爲青山瀑布

柴侯山在零都縣東南七十二里漢靈帝時有劉叔喬避地於此自題其墓曰柴侯之後山因得名

雩山在雩都縣北三十五里高可摩霄爲邑望山山椒有泉歲旱禱雨於此輒應又西北爲太平山瀑布幽蘭供人游賞今建太平宮觀於上

峽山在雩都縣西六十里兩山對峙袤亙十里貢水貫

其中南康記云夜光遙見若火從峽泝流十里至蛟窟

而沒唐天寶時敕改爲夜光山

明陳憲章峽山別胡提學還至九江詩峽山飛

去南三坑滿載離愁下

九江夜泊孤舟不能寐自燒銀燭倒秋缸謹案太平寰宇記峽山謂之雩峽在縣西

北五十里夜光山在縣西北八十里舊志及府縣志皆作一山今仍之

左坑山在雩都縣西南七十里山下有龍湫禱雨靈應

又藥山在縣西南九十里產黃連

固石山在雩都縣北一百里一名展誥山上有固石洞

高峻環水僅一徑可入宋岳飛平彭友處又東北爲御

屏山宋時議立巡司今廢

梓潭山在雩都縣東南六十九里南康記云其山有大梓樹吳王令伐爲龍舫以童男女牽拽舫沒於潭中男女皆溺

干霄山在雩都縣東南七十里上多松杉產石蜜有水曰小泉北流入貢水

龍溪山在雩都縣北八十里接興國及贛縣界

高沙寶山在雩都縣東北一百里三峯品立宋時有樵者見白兔入穴掘之銀鑛溢出故名又東北五十里爲禁山與張家山相連東望甯都西瞻興國南眺雩都昔人有禁曰彼此無相侵擾故名又東北三十里爲仔童

山

南山在信豐縣西南里許峭拔屹立左枕花邨右襟桃
夢登麓遠眺可盡一邑之勝

縣山在信豐縣東三十里縣水出焉折而前有峯曰鳳
凰石又東十里爲小假山勢如列戟上有龍湫旱可禱
雨又東十里爲武山上有天池周環皆石雨後瀑奔瀾
溢有松子浮出多至盈斗舊傳唐武氏之族避地於此
企嶺山在信豐縣東八十餘里嶺尖如笏望之羣山莫
並

長老山在信豐縣東一百五十里周亙百餘里半入安
遠縣界饒竹木其崖出二水分流安息禾溪會於龍湖
口

龍塘山在信豐縣西五十里山下有塘數畝中有窟深

不可測相連者爲雉山有飛泉如練

猶山在信豐縣西一百二十里高千丈上分九十九面多產異藥

禾溪山在信豐縣東八十里怪石峭峻下有溪流灌田可數千頃又東二十里爲衢孚山麓有溫泉嚴冬不改北爲河田山縣延數十里接安遠縣界安息水出焉

金鐘山在信豐縣南四十里上有二石笏高數丈又南一里有羊馬石巖石磴數十級四周如墉中平如砥可容數十人又南有三明山三峯鼎峙石塔五層井泉激泓不竭舊傳王道人結庵於此

香山在信豐縣南七十餘里有峯九十九小溪十八多產異藥相傳昔人見百鶴翔集各止一峯一鶴無所止

羣鶴復飛去巖有哀道人巖深廣可坐數十人道人賣藥市中夜則宿此一日忽去書萬山哀道人造巖住八字於石

龍平山在信豐縣南九十里俯瞰贛石灘上有照鏡石圓徑二丈許明淨瑩白

聖山在信豐縣南一百里高插雲表石坪廣數十畝文如九宮八卦奇三偶四具見造化之巧

黃柏山在信豐縣南一百二十里上有龍湫可禱雨

壺山在信豐縣南一百八十里

謝志云山有寺名大上龍舊志誤以寺名山

有天池又有巖數十多產紫草藥物有異花如白蓮俗稱爲仙窟相並一山差小爲小壺峯又南二十里爲鳳

湖山

穀山在信豐縣西十五里一作三十里其高插天雄踞一邑

多產翠雲草山臨穀水故名九域志云山下地名穀田因以名山頂有池產五色鯉十道志云南康有五色鯉卽此有廟祀晉九江太守蔡率今廢爲寺又南十五里有芙蓉巖一名仙濟巖又縣西南一百里有古株山木公山在信豐縣西一百里頂廣數畝有天池土人六月六日祈穀於此十人至池內可取十魚百人可取百魚如數則止不能多也

廩山在信豐縣北三十里豐崇如廩或曰唐改縣以此山得名明主簿李鳳朝與賊戰沒於山頂卽瘞而墓焉俗呼爲主簿腦山一名領山接南康縣界

新龍山

一作龍新

在信豐縣北一百五十里一名青龍山晉

濟禪師卓錫之地塔今存

靈山在興國縣東十五里卽南康記之玉山爲宋趙清獻題詩處有象鼻石筍石鐘諸峯方竹徑芭蕉洞滴珠匹練二泉半壁一竇中石像趺坐俗謂飛來佛寺名龍華宋時鐵船僧自廬山來面壁於此相近者爲金斗山自趾達巔無寸土其斗絕者鑄石爲級以通行人有廬公巖舊傳廬禪學佛於此或曰廬公冠巖所嘗游也泉仰出石上暑暍不涸背爲瀧石洞出紅石凡鑿石爲柱礎碑坊者需用焉

方山在興國縣東北四十里八面嶄然俱方高十里山頂出雲城中輒雨諺云方山戴笠滿街著屐旁有巖相傳爲仙靈窟宅

上洛山在興國縣西南四十里山中多木客乃魅類言
貌似人能斫杉枋與人交易嘗就民間飲酒賦詩自稱
太上隱者舊傳山上有石墨可書

朱一作諸家山在興國縣東八十里山木繁蔭相傳有石
穴爲仙鬼棲憑人不敢登

池源山在興國縣北三十里池口上有南北二峽三十
六坎深闊幽隱

任山在興國縣北一百里高數百仞勢極峭拔前有九
峯舊傳仙任城居此

大嶺山在興國縣東北一百八十里接甯都州界高十
里險峻如蠶叢

崖石山

一作崖石

在興國縣東八十五里絕壁萬仞縣互

數十里相傳宋文天祥屯兵於此後有登者獲鏡與寶劍而歸又縣東一百四十里有蓮花山亦屬天祥駐兵處

蜈蚣山在興國縣東一百里高入雲表山形跂跂類蜈蚣故名一名胡公山明嘉靖間知縣盧仁文田至此後人稱爲盧公山

覆笥山在興國縣北八十里雲窗私志云昔涓子發石笥得祕書十二卷因以爲名亦名福笥山高二十餘里東望金精西望芙蓉北接青原南瞰章貢爲一邑羣山之宗上有平湖曰雁塘有石雁每至秋天飛鳴應候又有古祠多靈草異物今皆荒蕪惟兩泉泓然紗帽峯馬鞍石諸勝錯落於南崖間而已

大烏山在興國縣北一百三十里最高處有三仙殿山高二十餘里四更觀日出朱丸噹噹三躍三按乃上升石穴二名風洞雨洞深不可測今寨北眺吉安城郭犁然在目山北屬廬陵縣又縣北百里有小烏山巖壁蒼秀一名密石砦

明山在會昌縣北里許高百仞周三十餘里爲邑巨鎮亦名南山山坳有半山寺寒泉飛瀑冬夏不竭湘縣二水繞其麓山左有五虎石

謹按舊志明山北折而西爲西山巖考縣志稱巖與明山

隔一江距江又數里今改正

古方山在會昌縣東十里高壓羣山爲一邑之壯觀

芙山

一作芙蓀山

在會昌縣北八十里峯巒秀疊如芙蕖高

四百五十丈周數十里

白雲山在會昌縣東八十里峯巒特出常有白雲蒙其山

龍歸山在會昌縣北七十里林木蓊鬱山谷逶迤

羊山在會昌縣西一百里舊傳有張十郎祠祀以活羊縱之不去虎亦不傷縣令余文震遷廟於仁峯其羊化為石

紫雲山在會昌縣南一百里高數百仞石磴四百餘級名雲梯石西折爲趙公巖又南二十里爲四望山東通福建武平縣界南通長甯縣界距山十里有萬丈石壁立如屏

盤古山在會昌縣東南一百二十里周圍石壁亦號盤固山旁有羅漢巖容數十人池廣一畝產白蓮有寺曰

智門舊藝茶充貢久裁

君山在會昌縣東南一百八十里界連閩粵與盤古山相接中有玉臺方廣數丈周迴盡白石覆如屋四圍多松杉一名媯宮亦曰女姥石每風雨後聞鼓吹聲山魃木客爲之唱舞

欣山在安遠縣南十五里凡十有二面高五百丈有蓮花池石巖石牀產異竹丹橘

源華山在安遠縣西十五里舊名員華孤聳員平有僧游此得清泉易今名

馬鞍山在安遠縣東南十五里一作三十里形類天馬騰空

相近有虎巖舊名小池巖虎嘗藪此明季僧青山居之虎乃去改今名又五里爲熊嶺

鐵山在安遠縣北四十里

一作六里

宋置鐵場久廢

擢秀山在安遠縣北八十里有茂林飛瀑之勝

罐石山在安遠縣北八十里萬仞崔巍峭壁如削

國朝順治初年居民築砦以避寇又北十里爲嚴陂山上

坦下險東有石洞名方廣巖又北五里許有香山形似

象隔江一山如獅名獅象水口越二里卽會昌界

水謁山在龍南縣南七里峙渥水中一名浮杯山

金盆山在龍南縣北二十五里

一作二里

山南一池曰張

天塘流注山頂四時不涸又縣北五里有將軍山三十

里有龍山下有龍湫

上皇山在龍南縣南三十里有古庵曰上皇故名

彤華山在龍南縣東四十五里羣峯競秀迤邐爲三仙

山三峯參列狀如筆架中間平曠隱若布局名三仙關
奔蹊路峻仄若升梯然俗又呼梯子嶧又繇互爲七友
嶧山勢層疊分而爲七山下兩水夾流是爲濂水

天井湖山在龍南縣東南八十里上有泉井下有湖故
名

芙蓉山在龍南縣東五里高秀如芙蓉

清修山在龍南縣東南五十里高千仞上平坦廣二里
許泉石林竹迴絕塵俗儼若洞天故名又君山在縣南
七十里下有古城濠塹巨石峭壁

角子山在龍南縣西南一百二十里相接者爲帽山形
圓如帽又相近有銀山太平江水出此又南有三門山
大岳山在龍南縣西南五十里有水入桃江

水尾山在龍南縣西一百二十里林木蒼鬱橫於江水之尾故名相連者爲猿山

樟山在龍南縣西南一百五十里亦名樟木嶺兩山相夾險阨可守下爲樟木徑隘

祿馬山在龍南縣西二十里聯嶂環列狀若繡屏有水入酒源水相近爲鶴鷹山孤峯挺峙四圍石壁嶙峋山頂有泉

歸美山在龍南縣南一百里一名龜尾一名神闕高百餘丈有自然石城左右石峽如雙闕山產水晶果以與龍山對故謂之龍頭龜尾

小武當山在龍南縣南一百二十里渥水出焉石筍九十有九列如矛戟飛鳥不能棲縣延爲南宮三門角子

諸山

犁鼻山在龍南縣西北三十里接信豐縣界有石如犁鼻故名一名犁壁山卽舊峯門嶺也洒源水出此

官山在龍南縣北二里一名官倉嶺三江水會於山下駱駝山在龍南縣北五里又北三里有將軍山俱蹲峙水口

靈應山在龍南縣北三十里岡巒重複吞吐煙雲望之如畫屏昔嘗建寺艱於水有僧飛錫駐此泉卽湧出

冬桃山在龍南縣西南一百五十里

一作二百里

相傳舊多

桃樹經冬始熟故名下有溪流是爲桃水冬桃隘在其上東抵廣東和平縣南達廣東翁源縣西接廣東始興

縣

項山在長甯縣東南五千里閩廣之交有雙峯飛瀑之勝又有大小石甌蒸鬱雲霧土人時聞鳴聲以占豐歉縣南六十里有盤龍山上有印月池石室雲梯鐘巖諸勝

寒地山在長甯縣東五十里深巖大壑紆迴二十餘里中有邨落盛暑夜如深秋故名

帽山在長甯縣西七十里一名大帽嶂峭石插天盤互百餘里舊爲葉寇巢穴稍南有鈴山高聳秀拔爲黃鄉羣山之冠

官谿山在長甯縣北三十里棘箐叢深昔爲盜藪天雨陰霾嘗聞鬼嘯

三臺山在定南廳南二里三峯橫列中一峯特起下有

小山如印曰印山

文昌山在定南廳城內高數十丈初名高寨國舊有仰高亭後改建文昌宮故有今名廳西三里有西華山

謹案

定南廳志稱歸美山四分之入龍南者一入定南者三

院徑山在定南廳東七十里有二龍潭

楊梅山在定南廳北一百里爲境內要隘有二水東入九洲河西入桃江亦名楊梅牌

白雲山在定南廳東三十里高百仞明隆慶初土人建庵掘地得石題曰白雲深處宋淳熙二年勒遂以名山劉叅山在定南廳東北一百里接廣東龍川縣界

佛日峯在贛縣東六里許舊有塵外雲端駒巖一憩吸江五亭俱廢近復構塵外亭其下爲馬祖巖相傳道一

始欲棲此一夕鬼爲築垣歎曰學道不至乃爲邪鬼所

測因棄去居龔公山宋趙并同周國博游馬祖山詩曉

虎頭城裏人煙闊馬祖巖前氣象豪下指正聲調玉軫

放懷雄辯起雲濤聯鑣歸去尤清樂數里松風聳骨毛

門文天祥馬祖巖詩會將飛錫破苔痕一片雲根鎖洞

之一龍去龍歸已絕塵空餘巖石隱雲根當時一夕猶

嫌久豈謂虛名萬古存明張宇初宿馬祖巖詩鑿石

開蘭若橋禪結上方然燈閣佛碧聽雨宿僧房古樹巖

雲合幽花爛瀨長素耽坡谷輩了悟幻中忙劉應秋

詩巖洞方探勝虛舟又叩禪飄飄綠水杳靄陟高巔

幽徑眞初地祇園小洞天山深蟻易老壁峭瀑長澗紫

氣空門隱青精白日眠靈花餘雜沓忍草自嬾媚卻憶

鋪金日猶傳卓錫年無生窺至理有漏惜塵緣愛此千

嶽石磬然一綫穿殘鱗

丁髻峯在贛縣東南六十里又城南七十里有四會峯

東距龍江與崆峒山相對其上方平容數百人旁有小

徑可躋井源不竭宋元人每避兵於此相近有文秀峯

突立平田中高百餘丈縣北九一作八十里有南高峯舊

名岬嶺踞錦屏山之南

秦娥峯在興國縣西四十里一名白雲峯亦稱秦娥山
舊傳唐時秦娥自楚來處得道能興雷雨一曰古孝女
也土人祠之山腰爲君子嶺

仁峯在會昌縣西一百里舊傳有石室石臺祀張賴二
神臺旁有竹一竿風來則偃而拂之其室故清淨無塵
石竅中泉水不竭飲之可愈疾

妙高峯在贛縣北八十里舊名磯嶺高出羣山

古秀峯在安遠縣西五里峯勢高聳頂平數里前後石
門上有清泉

擢秀峯一作山在安遠縣西八十里峯巔秀聳有茂竹飛

瀑之勝

東峯在安遠縣東二里尖秀如文筆

金圭嶺在府城內西隅與獅姑桂家田螺白一作家爲

城中之五嶺城西五里有佛嶺舊名西隱山雙阜突起

有亭介其間一曰御風一曰大觀久廢

文潭嶺在贛縣東三十里一名昇仙峯亦稱汶山巨石

盤互下有潭廣數十丈深不可測舊傳漁父於潭中得

大小銅龍五今存其四又西北二十里爲回軍嶺舊傳

黃巢兵過里人方氏率眾卻之故名又東四一作五十里

爲馬頭嶺其上有石佛

分水嶺在贛縣北一百二十里爲贛縣萬安之界

黃竹嶺在贛縣西北一百四十里路出龍泉縣嶺畔多

竹故名

慈果嶺在雩都縣西三十五里稍東逆折爲堯塘三嶂
又縣北三十里有長布心嶺山下形長若匹練故名
嶺嶺在信豐縣西北四十里南康信豐於此分界嶺有
怪石其上有巨人迹

蕭公嶺在興國縣東七十里接厓石砦對峙者爲豬嶺
牛嶺密林叢箐路極險

花嶺在興國縣東三十里四面尖圓最爲秀麗舊名筆
架峯又縣北有大鑊嶺兩面峻絕爲甯都大路所經
君子嶺在興國縣西四十里頂多奇石

桐嶺在會昌縣南五十里山徑稍平爲閩廣通衢

軍門嶺在會昌縣東南一百二十里與盤古山對峙如

壘相傳晉人屯兵處或云兩峯均起又名均門

熊嶺在安遠縣東二十里勢甚險峻又縣西二里有犁嶺

南徑嶺在安遠縣南三十里上有徑路長數十里徑口有石高三十餘丈

打鼓嶺在安遠縣南十餘里頂有石鼓石槌旁二石人對立邑譙樓鼓鳴輒應之後斷石人手乃已

程嶺在龍南縣東五十里接定南廳界又縣西北六十里有峯門嶺其上山路如門

登豆嶺在長甯縣北五十里一作四里山形類俎豆故名

舊名橙嶺或稱登頭嶺以行人必登其絕頂路乃得通

又縣南一百二十里一作五十里有丹竹嶺

神仙嶺在定南廳北四十五里有仙人題字石漫滅不可辨識山嶺有石礎石盤行人或見火光煜然

雷岡在贛縣東五里許本名火燄山舊傳一夕爲雷雨開通改今名元參政全普安撒里建亭曰雷岡明萬厯庚寅虔撫王敬明植松於上改名萬松亭又曰水雲深處距府城二里有社岡舊傳社日里人於岡上祀神會飲

鳳凰岡在府城北六十里宋治平間有鳳鳴於上九日岡在信豐縣西二百步勢如覆釜平曠可坐百人爲重九眺望之所縣南六十里有吉錢岡一名出錢岡土色赭紫而圓若小錢之累疊

馬蹏岡在長甯縣南門外岡盡處爲馬頭山其下有馬

蹊江

通天巖在贛縣西二十里空洞如屋有穴透其巔怪石

環列如屏宋祕書陽孝本隱此人呼玉巖翁有祠在焉

朱歐演詩每逢勝境便留神一路桃花別漢秦繞剎苔

封高士蹟陽溪客問野人津紆回松竹看非俗羅列山

川識有真蹟福嶺頭天尺五飄飄已覺迴風塵明王

守仁詩青山隨地佳豈必故園好但得此身閑塵寰亦

蓬島西林日初暮明月來何早醉臥石牀涼洞雲秋未

掃又游通天巖次鄒謙之韻天風吹我上丹梯始信

青霄亦可躋俯視塵寰成獨慨卻憐人世尚多迷東南

真境埋名久閤楚諸峯入望低莫道仙家全脫俗三更

日出亦聞雞一鄉守益詩高築琳宮引石梯酒餘客散

自攀躋坐來漸恐星河冷話久不知煙霧迷白澗灘橫

舟隱見翠微巖湧案高低浩歌初飽清秋興何處東洲

野店雞鳴意故留此今古有人來賦詩道門低度日光

得壺觴敢後大夫期不因簪弁妨山水我輩風流良在

茲結伴山中暫避喧每從佳處便停軒只疑蘿薜在

無路豈謂雲根小有門到此頓令忘歲月看來別是一

乾坤松聲鳥語關詩思獨對巖頭雨不言國朝宋華

游通天巖詩凌晨越章波杖策遵江徼野日破煙霏心

開展游眺稍窮林薄紆遂歷岡陵峭干巖如蹲鸱突兀
藏靈奧既至儼堂隍通天維一竅雕鏤信鬼工曲折存
遺廟山根洞穴穿偃僂僧徒導豁然世界殊飛空巨石
倒峭崿難具陳盤礴發狂叫伊余厭塵器探奇慰所好
緬彼玉巖翁彷彿聞清嘯諸賢相繼來忘歸領其妙觸
目多遐蹤眷言託同調夕陽後鳥鳴移情此雲巖磨墨
搦題名干
年碧苔埽

忘歸巖在贛縣通天巖之半壁以其地幽勝游者坐而

忘歸故名穿心龍虎翠微諸巖皆在其處

明王守仁詩
意刊已忘言

興劇復忘傾坐我此巖中是誰鑿混沌
達者燒其本此道何古今斯人去則遠
真成面牆立巖深雨不到雲歸花亦溼
歸巖詩霽雨淨嵐陰冷冷巾帶好崖厂
三島已悔入林逋偏虞出谷
早迴風度晚鐘煙庭黃葉埽

獅子巖在贛縣東北十餘里石壁峭拔高數丈深倍之

遠望其狀類獅內有元代所建佛殿三間

羅田巖在雩都縣南五里一名善山兩旁巖岫空洞交

通宋嘉祐間周子倅虔游此賦詩縣令沈希顏因建濂
溪閣明邑人何春更闢觀善巖王守仁爲之說巖西有
別一洞天其左曰仕學山房巖壁有岳飛文天祥題句
縣東五里有靈泉巖有石瀕江水從石出味色絕佳一
名出水巖宋周子雲都游羅田巖詩聞有山巖卽去尋
亦躋雲外入松陰雖然是洞中境且異人
閒名利心明王守仁游羅田巖懷濂溪先生遺詠詩
路轉羅田一徑微吟鞭敲到白雲扉山花笑午留人醉
野鳥嘯春傍客飛混沌壑來塵劫老姓名空在舊游非
洞前惟有元公草襲我餘香滿袖歸劉同升詩納涼
何處碧雲端樓閣崖懸星斗寒舟楫遠同鳬雁影山城
長作畫圖看頻移茵席清娛久時見磨崖舊字殘多病
支離兼避地韻
人容易共盤桓

通巖在零都縣南十里山腰前後洞澈中通人行

斗巖在零都縣南二十里前有小阜七如斗形故名頂
有梁仙古檜又南二十里爲需巖上下兩穴宋孝廉王

鴻隱此有泉曰霏光液松曰甘露松又縣西南四十里

一作三十里

有康石巖內五洞土人傳有飛仙舊迹縣南四

十里白雲嶂有三洞上曰白雲巖中曰太虛巖下曰龍巖嵌空玲瓏各可容百餘人石乳垂垂五色絢爛叩之鏗然作玉磬聲又若鼓聲復有石如龍泉出其口邑人袁湻題曰洗心

鐵石巖在信豐縣南六十里亦名鐵石磧二門相對空洞摩豁舟行望之瑰詭層疊又前爲石井龍巖巖上有龍爪迹歲旱禱之鳴鼓則泉流涓涓鳴金則溢涌矣三台巖在興國縣西里許俗呼觀音巖三峯蜿蜒有放鶴看雲二亭故陞頂有眞武壇越里許爲江東祠祠前古檜二株纓絡翔舞明初呂復兄弟與秦和陳謨茅亭

倡和處卽此所稱榴岡是也

東龕巖在興國縣東北八里相傳唐鍾紹京讀書處巖前有試劒石中裂欲斷上有飛泉下垂如練兩旁壁立不可徑水流石罅閒通小舟巖中可坐數十百人所謂龕也面一峯奇峭如筍怪松異卉交其上一石如舫倚其旁巖水由靈湖來有巨鯉帶銅環云是紹京所養

元鍾令公讀書巖詩巖石室蔽江東舊隱開
元越國公勝迹不磨遺像在書聲時落半天風

雙龍巖在興國縣北二十里兩巖深廣可容數百人巖頂平敞處號仙人碁盤其旁巖可偃僂而出俗名通天巖

國朝康熙閒知縣張尙瑗以巖對臘石砦諸峯大小三十六合於嵩陽之數改名對嵩巖縣西北四十餘里有定

光巖泉出石上東南有小邱五六形如覆盂尙瑗以敦邱名之鐫字石壁

肅帝巖在會昌縣南一百里一名佛圖巖狀類獅伏而口仰張中虛可容百餘人有憑虛閣石關石倉諸勝相傳齊武帝避難處九域志云梁武帝微時讀書處南史云蕭贍率部曲百餘人於此起義因名焉皆未可盡信

國朝謝適肅帝巖詩并序俗傳梁武帝避兵之所考巖志爲蕭熙舊令慶州當晉亂熙擁兵自帝亦稱武帝魏會與宋公有懷古詩賦和絕竈繩容一徑穿徒間逸事意迴旋於今仍秀山無恙去古雖遙境未遷月上不局雲戶動煙飛欲斷碧溪聯日長無果成清曠獨坐峯前是小年

漢仙巖在會昌縣南一百二十里一名漢山峭峻拔雲下臨漢溪石竇僅可容人匍匐而入中有秦王讀書臺石龍數丈蜿蜒如眞枯木一枝橫挂絕壁俗謂仙女燒

香風雨不蝕中建圓甯庵樓臺參差依石高下泰和郭
子章顏曰虎頭羊角之聚其勝景如鷹蹲僧帽蟾蜍諸
石玉筍天竺二峯月鏡臺金剛窟滴水汜白龍漱石隙
泉石獅石龜笏碣仙人弈處不可殫述

西山巖在會昌縣西南八里宋尹天民讀書處有石窗
石鼓試劍石洗硯泉諸勝

駐米巖在會昌縣東三十里深廣二丈許伏虎禪師駐
錫處俗傳有小竇日出米隨多寡可給後人鑿之米遂
絕今僅有泉流亦名注水巖

蓮花巖在安遠縣西三十里兩峯壁立中藏一洞旁有
石龕二石塔一飛瀑從巖頂懸注入溪澗中

玉石巖在龍南縣東北五里巖有三曰下巖上巖新巖

舊有玉蹟寺以旁有巨人蹟得名宋太宗賜書百二十

卷依巖建閣藏之治平閒賜額普和寺今廢明正德閒

虔撫王守仁征泃頭凱旋憩此題小篆曰陽明小洞天

鐫碑於壁以紀功巖後一小竇曰鞠躬門知府邢珣所

鑿列炬入有石形如狻猊經一綫天有龍井以石投之

作鐘鼓音由下巖厯上巖境皆幽冷新巖在南洞凡六

七視二巖尤勝明王守仁詩甲馬新從鳥道回覽奇還

農務閒兩竇高明行日月九關深黑閉風雷投簪最好

支芽地戀土猶懷舊釣臺洞府人寰此最佳當年空

自費青鞋應非斧鑿化工無乃太安排欲將點瑟攜童冠攬就春

雲結小齋處人緣山上巖夜深風雨不能前山靈

叢鬱休瞻日雲樹彌漫不見天蟻叫一聲聲耳聽龍泉

三尺在腰懸此時漫說多辛苦也得隨時草上眠陽

明山人舊有居此地陽明景不如但在乾坤皆逆旅會

留信宿即吾廬行窩已許人先號別洞何妨

我借書他日巾車還舊隱應懷茲土復鄉閭

油瓶山巖在龍南縣南三十五里左鐘右鼓亦名鐘鼓巖隔江三石筍森立相向

松林巖在龍南縣西南八十里寬曠可居中有石佛三雕刻如新凡旱澇疾病有禱輒應背有三峯卓立半壁開一圓竅相傳時平聞鼓樂聲將亂則聞鉦角聲青龍巖在長甯縣南三十里大小石穴凡十餘清流縈抱佛閣凌空陟降必由棧道

五虎巖在定南廳東南隔溪不一里以山頂分水爲界外卽廣東和平縣

黃石洞在信豐縣西南八十里亦名黃石巖高數十丈有石人作兜鍪按劒狀後有石獅象距左右又一洞深險人迹不能至懸崖飛瀑噴濺如珠

竹管洞在興國縣東北一百里一作縣北叢篁萬頃三

十餘里鮮雜植民舍皆以竹爲之

車頭嶂在零都縣東北七十里臨江與寒信峽對峙

青雲嶂在零都縣東南七十里積翠浮空頂有梵宇縣西北十五里有古木嶂與烏石山夾溪而峙

九龍嶂在安遠縣南十五里九峯矗立縣互二十里上有龍潭者九旱歲應禱下有獅子石高百丈一石差小亦似獅相逐

指揮嶂在定南廳東四十里峯高峻而中平窪有窩可容數千人元時有指揮屯兵於此故名

苦竹嶂在定南廳東一百十里草木蒙茸苦竹尤多

華竹嶂在定南廳東七十里與院徑山相接嶂下有水

莫知其源山田悉資灌溉

鳳凰嶺在會昌縣東北四十里兩山夾峙如翼

涼緞嶺在安遠縣西八十里聳入雲表接信豐縣界

雲蓋嶺在長甯縣東北二十里雲氣鬱厯四時不絕縣

東南十里有蠟坑嶺峯如卓筆縣東八十里一作六有

馬戰嶺接福建武平縣界

寒信峽在雩都縣東北六十里與車頭嶂臨江對峙每

歲峽中先寒故名俗譌爲韓信峽

會昌峽在會昌縣西北與雩都縣接界處湘洪水所經

兩山夾江江流成漩

余侯峽在會昌縣北一百里兩石夾峙江流迅激相傳

有余侯得神龜於此無何龜亡侯亦卒葬峽旁土人立

廟祀之縣南一百二十里有雁門峽夾江兩岸皆高山
中列三石江水分爲三道又號爲三門峽舟行甚險
馬頭石在贛縣南三十里信豐江口水中突起如馬首
螺亭石在贛縣東七十里昔有貧女采螺爲業暮宿此
亭爲眾螺噉死殯其旁冢化爲石螺殼無數又東十里
有噴龍石兩岸劒立飛淙注下爲龍湫中有編艘底人
動之風雨立至

仙女石在贛縣北四十里上有仙女祠釐者禱焉又縣
東九十里一作縣北有虎面石雄踞江畔黑斑如虎文
又縣北百餘里有石人石相傳宋州守劉彝舟過水涸
灘高榜人甚難之夜夢石人語曰劉賢侯也吾當護之

詰朝解纜卽下灘

龍門石在雩都縣西南一里下滙澄潭夜有紫氣濛濛騰霄歲大比或聲裂如雷俗謂龍門開必有掇巍科者縣東南五里有羅石鄉人結寨避寇號羅石寨縣南十里有寬石高平直巖亦可避寇縣西十里有丈鼓石上建浮圖又縣西南二十五里有鯉魚石瀕江色赤狀如游魚

響石在信豐縣南一百里石廣丈餘高數丈與人聲相答

三峯石在信豐縣西南一百里三峯屹立如笏石戶北向舊傳戶內有二竇通於兩峯宵窳明曠緇流聚宿不戒於律一異人過而叱石石閉羣僧殲焉祇留一僮可容數人又巫山有黑松子石凡三十餘率高數十丈

寶石在興國縣北五十里端圓屹立不生草木又有石人在縣西北八十里與泰和縣接界

羅經石在興國縣東簾幕嶂前石上隱然具子午篆文故里人多習形家言

黃牛石在龍南縣西南一百五十里其閒溪湖錯流皆下合桃水

魚潭石在會昌縣南三十里石立江潯昔遺老周伯綸釣於此今潭淤塞又南八里有雞鬬石兩石相距春水漲時舟行者多戒心相近有聖姑石瀕江如人形篙師過必擲石以卜吉凶

片雲石在安遠縣西六十里舊名版石亦名石屏高廣

十餘丈

以上並據府廳縣志

山十四 甯都州

翠屏山在甯都州東二里一名巽峯山勢蜿蜒界梅江而止下有長春谷宋邑人胡楚讀書處又東一里爲石華山松盤山頂如石之華上有仙子廬又東五里爲雲蓋山

武頭山在甯都州東四十里脈發自閭盤亙數十里南康記云宋孝武大明中有至其巔者見池廣可百丈水色如丹旁有顆粒如珠光麗再往竟失其所山之支曰珠湖三峯原名虎頭以避唐諱改今名

金精山在甯都州西十里峯頭皆石望如陣雲爲邑西鎮山道家第三十五福地中有碧虛洞初入兩崖壁立中通一徑名一綫天至望仙峯俯視城郭邨落如碁布

下臨洞口相傳吳芮所鑿事見山中奇峯不可枚數其

著名者凡十二曰蓮花合掌仙桃凌霄黃竹披髮望仙

三巘伏虎翠微瑞竹石鼓宋張商英金精山留題詩秦

連城西方女子不用事張氏有婦懷金精山之下吳

水曲石鼓峯巒翠相羸山幽水遠聞金精二入芳年貌

如玉吳王聞知欲狂珠琲紛綴羅千箱苦惡青巖致

消息陳說富貴誇誇下土悲哉下土人皆苦飄飄仙袂凌

洞府洞成賦詩悲下土悲哉下土人皆苦飄飄仙袂凌

上蒼天街昂世騰輝光使回千里濕進步日極五雲空

斷腸吳王悵悵忽不樂入顧後宮情索真仙凡會合竟

何年多謝君王藻洞天趙東林金精山歌東風飛霞

雨一洗桃李塵快馬紫游鞭來賞金精春連林翠氣吹

不動時作佛髻螺頭青剔剔天壁面削起中可建旗坐

萬人豁然呀呀佛然憑憑躡躡者為虎豹几者為墟

城千年老牧學春吟白日龍雷藏樹陰蓮花峯下久無

路時有樵子攀藤尋丹光出屋水潄潄白鶴飛去棲桃

林桃今幾熟枝尚青石田玉子無龍耕雲蒸甌腹爛背

飯雪凍地骨迷黃精靈君久矣鞭玉麟今作天上何公

卿崖前老竹屢生米夜有石犬當階鳴我亦三生家石

鼓花落花開不知數人開魚沫吹秦樓漫有姓名刻洞

府試為靈君覓杯水水中白晝青虬起便令紫霧生風

雲一舉直上九萬里崔與之題金精洞詩翠壁丹崖
倚碧穹一壺天地畫圖中青鸞有路三山遠玉洞無塵
萬境空虛室向留丹竈冷靈泉直與海波通客游到此
應忘返自覺仙凡迥不同明湯顯祖金精洞詩悠悠
世事幾千年鳳舞鸞歌此洞天夜半紫雲飛作雨金精
石上漱瓊泉國朝魏世傑宿金精洞詩舉頭見白雲
嘹唳聞雞犬借問遊秦人桃源應不遠眾壑
幽如何山聲秋夜多月光不得下只是挂藤蘿

果盒山在甯都州西北十里一名雲臺峯四面皆崇山
長松交蔽雲日中通一徑周圍石欄俯視懸崖如在天
際上有清虛觀明崇禎閒周道人煉丹於此相近者爲
金牛山奇峯峭壁環繞二三里又有官人山唐季黃巢
之亂官吏避兵於上

東華山在甯都州西北二十里飛瀑雷轟隔澗爲甘泉
巖又有陽挂山其頂曰天紫嶺下繞桃溪山趾皆田園
邨落日光反照掩映如畫因名陽挂又西北數里爲桃

林山徧山皆桃雜以佳卉茂竹有梵刹藏佛牙出舍利
光其下有泉曰過夏遇僧解夏則涸右爲龍湫能作雲
雨

濠山在甯都州北二十五里山閒雲氣濛濛懸崖飛瀑
頂有巖闊可丈餘前爲戶牖石牀石梯不假斧鑿而成
又一巖容百餘人其餘巖穴大小各極其妙相傳東晉
時里人賴箕廬此

團箕山在甯都州南九十里界連瑞金石城二縣
中華山在甯都州北九十里遠望如卓筆上有四季梅
花結子至十月方熟下爲陳勉故里

螺石山在甯都州南十里堆旋如螺聳峙梅江其巔有
崖曰寶獅有泉曰靈泉

凌雲山在甯都州北一百三十里高數百丈與大名山相連蜿蜒數十里左右石峯插峙下有龍湫其深叵測涓滴有聲曰衙鼓峒峒中有蟄龍投鐵觸之風雨立至相傳上有漢高帝祖墳故建漢高帝廟於山麓明董越有詩辨其誣然疑爲南漢劉氏之祖則襲之先世屬上蔡人與此地亦懸絕也

陳石山在瑞金縣東五十里有巖深廣十餘丈由試劍石蠟燭峯而入陳武帝微時嘗廬此故名又有羅漢巖以伏虎禪師著有注水巖巖上懸石若龍有泉下注因石爲簷雷下施柱礎曰六和精舍堂有水簾旁有玉峽滾球泉循巖折行有將臺點兵寨內有劍門九曲洞三層臺石竈石鼓石窗石梯外有天柱巔有龍湫

雲龍山在瑞金縣南五十里其山純石約高十里泉竇甚多遇旱不涸有南北二門最險鄉人避亂多構壘其上頂有寺曰應雷石壁有雷書篆字又縣南四十里有螺石山形如螺亦如伏龜如躍馬與香山對峙

銅盞山在瑞金縣西北五十里相傳僧開山時掘地得一銅盞山因此名高十五里雲氣常羃其頂下有龍井井中有石如龍爪禱雨見爪多應上有昭靈王祠凡八景曰騰雲石香鑪峯筆子峯七星堆古龍塘金盤坳仙人湖及龍王井也

軍門山在瑞金縣南二十里縣互五里勢若布軍

石門山在瑞金縣西四十里巨石峻峭如門止容一騎瑞雲山在瑞金縣北六十里卽陳羣地中有瑞雲洞前

後二門中分爲兩高七八尺壁有竇然炬可入莫窮所際

廖家山在石城縣東三十里峭拔幽邃

中華山在石城縣南六十里一名鑿龍山產茗極佳又賴家山在縣南七十里跨福建汀州及瑞金縣界上有三峯峙立

八卦山在石城縣西南上下有三湖皆以龜名故曰八卦

琉璃山在石城縣東五里舊傳秦末有劉華者家其上其女忽拾異果啖之得仙一名仙姑嶺

寶山在石城縣北三十里兩峯如圭又北二十里爲樓蓋山一名丈夫嶂頂有仙桃巖石之類桃者頗多又有

巖深廣尋丈許褻許國嘗讀書於此名讀書巖嶂之下
爲宋陳邦光舊宅又有夫人嶂以邦光妻得名又北四
十里爲牙梳山北近廣昌東接福建甯化縣界有三十
六面元延祐初蔡五九熊長腦據爲巢穴山有鷹子岡
琴水所自出也

謹案舊志丈夫嶂列爲石嶂後者
州志樓蓋山卽丈夫嶂今改正

白茅峯在甯都州西南三十里蓮花山左上生白茅下
有龍潭四時嘗吐雲氣又有龜湖亢旱不竭縣南五十
里有圭峯右臨梅水左瞰琴江兩石前垂如乳
翠微峯在甯都州西金精十二峯之一色如丹霞又名
赤面砦高百餘丈壁立如長劒倚空中通一綫鑿磴而
上橫列石板暗開甕口僅容一人

國朝魏禧兄弟講學於其上

宋王汝舟詩塵器十里清秀
巖半空插縈紆疑無路兩石

開一峽豁然見天宇四顧皆峻拔入門上石級僂僂如
登塔懸巖置樓殿飛棟相直匝徐行雲影動低語谷聲
答仰觀絕壁間勢恐千仞壓側身過幽谷洞口若呀呷
仙英去何許遺像寄山脅浴池弄清泚不敢著腳踏顧
余倦游者一宿借雲榻天風吹夜簾客興亦蕭颯幽尋
約重來吾屐當再蠟國朝魏際瑞詩翠微真在望西
北俯高原已到疑無路人傳別有天鳳麟終
待聖雞犬亦能仙獨立干戈內興亡二十年

東陽峯在甯都州西八里一作西北近金精山高峻插

天山腰橫闊二三里種植果樹有泉名仙液南唐時邑

人衷愉結廬奉母隱此為靈巖觀相傳有木鐘金精山

木鶴鳴則鐘應之又縣北二十里有君子峯形如卓筆

為哀愉讀書處

鷺峯在瑞金縣南五里宋建炎時劉十六郎兄弟從岳

飛破峒賊倡義於此六峯在縣西三十五里環拱若城

郭巖壁玲瓏縣西北二十里有寶蓋峯相傳有黑龍攪

地成溪今濁溪是也又縣北五十里有齊雲峯

筆架峯在瑞金縣南十五里三峯並列狀如筆架

高陵峯在石城縣西三十五里重岡複嶂蜿蜒十數里
與苦竹嶺石門山相連

梅嶺在甯都州北一百三十里接撫州建昌二府界梅
水發源之處環山有梅故名漢元鼎五年王溫舒征東
越出此

黃竹嶺在瑞金縣東北八十里路通福建汀州府

白水嶺在石城縣東北四十里又名東華山接福建甯

化縣界絕頂建二仙祠

一作三仙祠

每歲雷入輒作數日腥

臭又縣北六十里有遙嶺周迴皆石峽小峪出峪數里
爲巖前嶺

華林岡在瑞金縣西三里至七堡止約長十里許

飛泉巖在甯都州西北十五里州人盧達所名泉如匹練自山巔下注其上有集賢巖廣丈餘建有佛寺又數里至方竹巖多生方竹縣北百二十里有盧穆巖崛起千仞山腰石戶如瓮廣袤十丈左壁一室持炬從竇入深廣半之頂有泉甚清冽相傳唐盧穆盧華於此仙去足蹟猶存

東陽巖在甯都州西南八里高峻插天其麓有泉石竹木之勝有泉曰仙液

青陽巖在甯都州西南一作西北十里亦稱青陽洞懸崖峙

壁修竹茂林中有龍湫澄澈底國朝魏世傑青陽洞詩金精十二境紀

載見青陽疑有林泉色相達日月光龍湫低峽石虎蹟印荒塘獨樹留門外徒憐桂子香

月圓巖在瑞金縣西四十里巖深廣容百人狀如魚橫闊十餘丈前有二潭曰龍曰龜容光所射玲瓏清冷宋天聖中邑人鍾法明結廬其頂賜額月圓又名皇恩巖縣西北五十里有九仙巖深廣凡三里舊傳有九道人於此乘金龍去

五龍巖在石城縣西五里西華山之麓志勝云唐貞觀中採樵者見五叟笑語巖中卽之惟見五龍交戲潭中耳

通天巖在石城縣南十五里深若廣廈洞中一竅通天鳥道盤曲而上頂方平若原石壁數十丈酷肖龍鱗有泉清冽釀酒較他水馥烈元至正末陳友諒餘黨踞此爲砦又南二十五里爲洪石巖狀如伏猊攀磴及頂入

石門寬敞平豁舊有夾道長松今斬伐殆盡圓對寺辨
嘯亭倚巔而立石泉一泓轉南爲獅子巖又十里許爲
滴水巖

龍鳳嶂在瑞金縣東三十里卽龍霧山也諸峯相連若
龍飛鳳舞上有仙女池旁有碁盤石傳是後周謝仙翁
採樵得仙處縣西二十里有橫山嶂

烏石嶂在石城縣西五里一名西華山巖石斗豎如屏
凌晨雲罩至午方散

鵝公嶂在石城縣南八十里巉巖斗絕其陰屬瑞金

明黃

仲昭自瑞金往石城過鵝公嶂詩峻峭高嶂切雲霞倦
客經行輿轉賒深徑黃茅數十里荒邨綠樹兩三家羊
腸估屈循崖轉馬足凌兢怯石斜世
路險巖南獨此市朝平坦更堪嗟

古樓嶂在石城縣東南一百里接福建長汀縣界

桃陽嶺在瑞金縣東南十里接福建長汀縣界又鵝公嶺在縣東北四十里接石城縣界俱險惡

虔化石在甯都州西五里舊名虎化石相傳爲虎所化後避唐諱更今名又西五里爲冠石由長庚橋西入環山麓皆植茶樹有一石上高下平若進賢冠又名紗帽峯南昌林時益結廬居焉

螺石在甯都州南十里秀峙梅江狀如螺旋對峙者爲雲石巔廣百餘丈有巨湖劉宋大明中人見蛟犀出沒焉

石梁在石城縣南三十里兩石夾澗上架修梁一名仙女石亦以劉瑤英得名

天馬石

一作天馬山

在石城縣南十里小馬爭前大馬次之

首尾鞍勒其石一一酷肖縣北有華蓋石狀若麾蓋一名錦繖石

貓頭石在瑞金縣西四十里三面俱險一面坦平避亂

者構屋其上

以上並據
州縣志